

彊邨叢書



後村長短句目錄

卷一

哨徧

六州歌頭

水調歌頭九

沁園春二十五

漢宮春寸

卷二

念奴嬌十九

解連環四

木蘭花慢八

摸魚兒三

轉調二郎神五

長相思五

昭君怨三

生查子

卷三

滿江紅 三十一

水龍吟 十六

風流子

滿庭芳

卷四

賀新郎 四十二

洞仙歌 二

卷五

八聲甘州

燭影搖紅

祝英臺近

最高樓 七

風入松 四

臨江仙 四

浪淘沙 五

鳳凰閣

法駕導引

一翦梅 二

踏莎行 二

玉樓春

鵲橋仙 十二

柳梢青

鷓鴣天 二

卜算子 七

朝天子

清平樂

好事近

菩薩蠻

憶秦娥 五

西江月

朝中措 四

後村長短句卷一

莆田 劉克莊 潛夫

哨徧昔坡翁以盤谷序配歸去來詞然陶詞旣櫟括入律韓序則未也暇日遊方氏龍山別墅試效顰爲之俾主人刻之崖石云

勝處可宮平處可田泉土尤甘美深復深路絕住人稀有人兮盤旋於此送子歸是他隱居求志是要明主媒當世嗟此意誰論其言甚壯孔顏猶有遺旨大丈夫之被遇於時入則坐廟朝出旗麾列屋名姬夾道武夫滿前才子噫有命存焉吾非惡此而逃之富貴人所欲如之何幸而致向茂樹堪休清泉可濯谷中別有開天

地況膾細於絲蕨甜似蜜采於山釣於水大丈夫不遇之所爲唐處士依稀是吾師覺山林尊如朝市五侯門下賓客擾擾趨形勢嗟盤之樂誰爭子所占斷千秋萬歲呼童秣馬更膏車便與君從此逝矣

六州歌頭

客贈牡丹

維摩病起兀坐等枯株清晨裏誰來問是文殊遣名姝奪盡羣花色浴纔出醒初解千萬態嬌無力困相扶絕代佳人不入金張室卻訪吾廬對茶鐺禪榻笑殺此翁臞珠髻金壺始消渠憶承平日繁華事修成譜寫成圖奇絕甚歐公記蔡公書古來無一自京華隔問姚魏竟何如多應是彩雲散劫灰餘野鹿銜將花去休回首

河洛北墟漫傷春弔古夢繞漢唐都歌罷欷歔

水調歌頭遊蒲澗追和崔菊坡韻

余頃爲儀真督郵白事維揚崔公銳欲羅致屬先受
制置使李公之辟崔公始聘洪公弼俞入幕後二十
五年奉使嶺外拜公祠象俯仰今昔
輒和公所作水調歌頭以寓悲慨云

敕使竟空反公不出梅關當年玉座記憶仄席問平安
羽扇尉佗城上野服仙遊閣下遼鶴幾時還賴有蜀耆
舊健筆與書丹 青油士珠履客各凋殘四方蹙蹙靡
騁獨此尙寬閑丞相祠堂何處太傅石碑墮淚木老瀑
泉寒往者不可作置酒且登山

又喜歸

遣作嶺頭使似戍玉門關來時送者舉酒珍重視身安

街畔小兒拍笑馬上是翁矍鑠頭與壁俱還何處得仙
訣髮白頰猶丹屋茅破籬菊瘦架籤殘老夫自計甚
審忙定不如閑客難揚雄拓落友笑王良來往面汗背
芑寒再拜謝不敏早晚乞還山

又解印有效期作

老子頗更事打透利名關百年擾擾于役何異入槐安
夢裏偶然得意醒後纔堪發笑蟻穴駕車還恰佩南柯
印彷彿轂曾丹客未散日初昃酒猶殘向來幻境安
在回首總成閑莫問浮雲起滅且跨剛風遊戲露冷玉
簫寒寄語抱朴子候我石樓山

又八月上澣解印別同官席上賦

半世慣歧路不怕唱陽關朝來印綬解去今夕枕初安
莫是散場優孟又似下棚傀儡脫了戲衫還老去事多
忘公莫笑師丹筆端花胸中錦兩消殘江湖水草空
曠何必養天閑久苦諸君共事更盡一杯別酒風露夜
深寒回首行樂地明日隔雲山

又客散循隄步月而作

落日幾呼渡佳夕每留關有時來照清淺鬢雪似潘安
一曲親蒙君賜兩岸更無人迹惟見鷺飛還隙地欠栽
接蕉荔雜黃丹柳全疏松尙幼怕摧殘旁人笑我癡
計管鑰費防閑翁意在乎林壑客亦知夫水月滿腹貯
清寒賦詠差有愧赤壁與滁山

又次夕觴客湖上賦葛仙事

羯虜問周鼎柱史出秦關苦求句漏何意身世遠差安
不見跼鳶墮水時有飛鴻遵渚樂此久忘還采藥寓言
耳胸次有靈丹釣遊處榕葉暗荻花殘自翁仙後干
載輸與水鷗閑我讀內篇未竟忽被急符驅去洞閉白
雲寒回首愧幽子隱約海中山

又十三夜同官載酒相別不見月作

怪事廣寒殿此夕不開闕林閒烏鵲相賀暫得一枝安
只在浮雲深處誰駕長風挾取明鏡忽飛還玉兔呼不
應難覓白中丹酒行深歌聽徹笛吹殘嫦娥老去孤
另離別匹如閑待得銀盤擎出只怕玉峰醉倒衰病不

禁寒卿去我欲睡孤負此湖山

又癸卯中秋作

老年有奇事天放兩中秋使君飛榭千尺縹緲見麟洲
景物東徐城上歲月北征詩裏圓缺幾時休俯仰慨今
昔惟酒可澆愁風露高河漢澹素光流賈胡野老相
慶四海十分收競看姮娥金鏡爭信仙人玉斧費了一
番修衰晚筆無力誰伴賦黃樓

又和倉部弟壽詞

歲晚太玄草深悔賦長楊向來戶外之屨已飽各飛揚
閣上青藜安在院裏金蓮去矣且愛短檠光衰懶倦賓
客誰訪老任棠歎時人憐黠小笑鮐黃汝曹變滅臭

腐儂底愈芬香苦羨阿龍則甚

王導
小字

學取幼安亦可坐

穴幾藜牀零落鴈行小敢不舉君觴

沁園春夢孚若

何處相逢登寶釵樓訪銅雀臺喚廚人斫就東溟鯨膾
圉人呈罷西極龍媒天下英雄使君與操餘子誰堪共
酒杯車千兩載燕南趙北劔客奇才飲酣畫鼓如雷
誰信被晨雞輕喚回歎年光過盡功名未立書生老去
機會方來使李將軍遇高皇帝萬戶侯何足道哉披衣
起但淒涼感舊慷慨生哀

又送孫季蕃弔方漕西歸

歲暮天寒一劔飄然幅巾布裘儘綠雲鳥道躋攀絕頂

拍天鯨浸笑傲中流疇昔奇君紫髯鐵面生子當如孫
仲謀爭知道向中年猶未建節封侯南來萬里何求
因感慨橋公成遠遊歎名姬駿馬都成昨夢隻雞斗酒
誰弔新堯天地無情功名有命千古英雄只麼休平生
客獨羊曇一箇灑泪西州

又送包尉

我羨君歸一路秋風芙蓉木犀想慈顏望久靈烏乍噪
新眉畫就郎馬頻嘶忙脫征衫快呼斗酒細爲家人說
建谿爭知道這中年懷抱最怕分攜丈夫南北東西
應笑殺離筵粉泪啼悵佳人來未碧雲冉冉王孫去後
芳草萋萋明日相思山重水複古道入稀茅店雞元龍

老有高樓百尺誰共登梯

又答九華葉賢良

一卷陰符二石硬弓百斤寶刀更玉花驄噴鳴鞭電抹
烏絲闌展醉墨龍跳牛角書生虬髯豪客談笑皆堪折
簡招依稀記曾請纓繫粵草檄征遼 當年目視雲霄
誰信道淒涼今折腰悵燕然未勒南歸草草長安不見
北望迢迢老去胸中有些磊塊歌罷猶須著酒澆休休
也但帽邊鬢改鏡裏顏凋

又同前

我夢見君戴飛霞冠著宮錦袍與牧之高會齊山詩酒
謫仙同載采石風濤萬卷星羅千篇電掃肯學窮兒事

楚騷掀髯嘯有魚龍鼓舞狐兔悲噪 英雄埋沒蓬蒿
誰摸索當年劉與曹歎事機易失功名難偶誅茅西崦
種秫東臯柵有雞豚庭無羔鴈道是先生索價高人閒
窄待相期海上共摘蟠桃

又癸卯佛生翼日將曉夢中有作既醒但易數字

有箇頭陀形等枯株心猶死灰幸春山筍賤無人爭喫
夜鑪芋美與客同煨何處旛花忽相導引莫是天宮迎
赴齋又疑道向毗耶城裏講席初開 這邊尙自徘徊
笑那裏紛紛早見猜有尊神奮杵拳粗似鉢名緇豎拂
喝猛如雷老子無能山僧不會誰誤檀那舉請哉山中
去便百千億劫休下山來

又和吳尚書叔永

我所思兮延陵季子別來九春笑是非浮論白衣蒼狗
文章定價秋月華星獨步岷峨後身坡潁何必荀家有
二仁中朝裏看叔兮袞斧伯也絲綸洛中曾識機雲
記玉立堂堂九尺身歎苕溪漁艇幽人孤往鴈山馬鬣
弔客誰經宣室釐殘立都花謝回首舊遊存幾人新腔
美堪洗空恩怨喚起交情

又吳叔永尚書和余舊作再答

莫羨渠儂白玉成樓黃金築臺也不消顛怪騎麟被髮
誰能委曲令鳩爲媒鬢有二毛袖閒雙手只了持螯與
把杯公過矣賞陳登豪氣杜牧粗才便煩問訊張雷

甚斗宿無光劍不回想閣中鳴佩時攜客去壁閒懸榻
近有誰來撤我虎皮讓君牛耳誰道兩賢相厄哉中年
後向歌闌易感樂極生哀

又維揚作

遼鶴重來不見繁華只見凋殘甚都無人誦何郎詩句
也無人報書記平安閭里俱非江山略是縱有高樓莫
倚欄沈吟處但螢飛草際鴈起蘆閒不辭露宿風餐
怕萬里歸來雙鬢斑算這邊贏得黑貂裘敝那邊輸了
翡翠衾寒檄草流傳吟牋倚閣開到瓊花亦嬾看君記
取向中州差樂塞地無歡

又答陳上舍應祥

華髮蕭蕭歸碧雞坊出金馬門把一枝色筆擲還郭璞
些兒殘錦回乞天孫永免朝參更無宣鎖送老三家水
竹村休休也任巫陽來下未易招魂 茅檐安得庖闔
倩便了沾來酒滿樽歎角巾東路吾尋初服上書北闕
子漫危言漏院霜靴火城雪轡得似先生敗絮温安危
事付布衣融泰鼎足膺蕃

又平章生日丁卯

某茲者恭審某官篤生名世光輔新朝昂儲精嶽降
神方啟中興之運河如帶山若礪未酬再造之功某
逾望三台敬熏一瓣短衣飯牛而至旦
業已歸耕括笏籠鶴以放生未由旅賀

載籍以來於宇宙閒有功者誰自唐堯咨禹水行由地
宗周微管夏變爲夷謝傅棋邊萊公散畔淝水澶淵送

捷旗天不偶，生堂堂國老。眞太平基，雅懷厭倦台司。
新天子殷勤留帝師，向朝堂袞繡，萬羊非泰湖山，僚褐
兩鶴相隨。壽過磻溪德，如淇澳，進了丹書。作抑詩，蒯緱
客願年年歲歲來獻新詞。

又二鹿

馴於蹇驢，清於賜駒。我行爾從，幸柴車堪駕。何慚韓眾
藥苗可采，長伴龐公。野澗泉甘，陽坡草暖，有柏葉松枝
充短供。休夢想去遊靈囿，沼入望夷宮。與夸奪子爭
雄生與死，未知誰手中。況喉癸者眾，放麕人少。大將觸
網小亦傷。弓風月和柔，山林深密折角，何如且養茸。二
蟲喜各銜花，拜跪來壽樗翁。

又

剝啄誰歟戶外一賓布衣麻鞋有舌端雄辨機鋒破的
袖中行卷錦繡成堆闈啟上賓儂觀諸老箇主人公喜
挽推怎柰向今十分衰颯非昔形骸闈言賓怒如雷
因底事朱門晏未開假使汝主公做他將相嬾迎揖客
緊閉翹材病叟慚惶尊官寧耐待鐵拐先生旋出來賓
性急懷生毛名紙興盡而回

又寄竹溪

老子衰頽晚與親朋約法三章有談除目者勒回車馬
談時事者麾出門牆已挂衣冠怕言軒冕犯令先當舉
罰觴書尺裏但平安二字多少深長溪翁苦未相忘

我今有雙魚煩寄將道荒蕪羞對宮中蓮燭昏花難映
閣上藜光聞廟瑟音識關雎亂詩學專門儘不妨百年
後尙庶幾申白不數韋康

又夢中作梅詞

天造梅花有許孤高有許芬芳似湘娥凝望斂君山黛
明如遠嫁作漢宮妝冷豔誰知素標難褻又似夷齊餓
首陽幽雅意縱寫之縑楮未得毫芒 曾經諸老平章
只一箇孤山說影香便詔書存問漫招處士節旄落盡
早屈中郎日暮天寒山空月墮茅舍清於白玉堂寧淡
殺不敢憑羌笛告訴淒涼

又和林卿韻

疇昔遭逢薰殿之琴清廟之璋謝錦袍打扮佯狂太白
黃冠結裏老大知章種杏仙人看桃君子得似籬邊嗅
晚香從人笑笑安車迎晚隻履歸忙後身定作班揚
彼撼樹蚍蜉不自量偶有時戲筆官奴藏去有時醉墜
宗武扶將永別鸕鷀已盟猿鶴肯學周顛出草堂從人
笑我韓公齒豁張鎬眉蒼

又再和

慚愧清朝罷貢包茅住發牙璋便羊裘歸去難留嚴子
牛衣病臥肯泣王章疇昔憂天如今懷土田舍雞肥社
酒香甘雨足且免扶鉏苦免踏車忙先生少擬荀揚
晚自覺才衰可斗量甚都無白鳳飛來立草亦無紫氣

下燭干將待得新亭倒持手版何似抽還政事堂榮與
辱算到頭由我不屬蒼蒼

又三和

吉夢維何男子之祥載弄之璋嗟我辰安在斯文後死
力侔元氣手抉天章學稼田荒鍊丹竈壞稽首南華一
瓣香休休也免王良友笑屑往來忙 浮名斗挹箕揚
世豈有明珠百斛量歎種來瑤草年深未熟挑成錦字
道遠難將遷轉不行形容盡變盍改稱呼號瞎堂瞎堂
遠僧

又四和

余少之時賦如仲宣檄如孔璋也曾觀萬舞鋪陳商頌

曾聞九奏制作堯章抖擻空囊存留諫笏猶帶虛皇案
畔香今歸矣省聽雞騎馬趁早朝忙 榻前密啟明揚
宰物者方持玉尺量元未嘗棄汝自云毫及無寧壽我
或者天將李泰伯云天將壽我歟富有圖書貧無釵澤不似安昌
列後堂新腔好任伊川看見非褻穹蒼

又五和韻狹不可復和偶讀孔明傳戲成

昔臥龍公北走曹瞞西克劉璋看沙頭八陣百神呵護
渭濱一表三代文章絕笑渠儂平生姦偽死未忘情履
與香籌筆處遣子丹引去仲達奔忙 紛紛跋扈飛揚
這老子高深未易量但綸巾指授關河震動靈旗征討
夷漢賓將漢郊祀志招搖靈旗九夷賓將到得市朝變爲陵谷千載烝

嘗丞相堂錦城外有嘯鸕音好古柏皮蒼

又六和

少工藝文朱絲練絃黃流在璋

古注云璋瓚也

值虞廷夏擊簫

韶之樂周王壽考追琢其章汾水鴈飛鼎湖龍遠魂返
今無異域香浮生短更兩輪屋角來去荒忙 人言八
十鷹揚笑千歲如何尺捶量但負圖龜馬藏之爲寶舐
丹雞犬去不能將友魯申公師浮北伯尙可教書村學
堂投老泪瞻越山紫翠陵樹青蒼

又七和

安得奇材頸繫單于首提子璋便做些功業勝窮措大
聚螢武子吞鳳君章

羅含字君章

笑殺豎儒錯翻故紙屈馬

何曾有豔香榆塞外恰棗紅時候想羽書忙腰錢騎
鶴維揚分表事誰能預測量歎防身一劔壯圖濩落建
侯萬里老境相將讀枕函書寶家藏笏免使他人笑弗
堂吾衰矣雖尙存右臂不解擎蒼

坡詞云左牽黃右擎蒼

又八和景定壬戌經筵讀唐鑑徹章余忝勸誦蒙恩賜

賚內墨二笏後四年發篋見之有感

帝賜玄圭臣妾潘衡奴隸侯璋因封還除目見瞋鬼質
竄塗贄卷取怨奇章肯比寒儒自誇祕寶十襲庭邽寸
許香下巖石要朝朝磨試不論閒忙何須狗監掄揚
這衡尺曾經聖手量縱埋之地下居然光怪棲之梁上
亦恐偷將蓬戶無人花村有犬添幾重茅覆野堂交遊

少約文房四友泛浩摩蒼

杜牧云李杜泛浩
浩韓柳摩蒼蒼

又九和

歷事三朝覲而執圭祭而裸璋更宮蓮引入視淮南草
御屏錄了露會稽章貪膜外榮遺身後臭擘也平生漫
傳香顏髮改獨丹基無恙事在休忙曹北生莫游揚
這瞎漢還曾自配量已化爲胡蝶穿花栩栩嬾陪鸚鷺
佩玉將將機蹉面前鐘聞飯後我上堂時眾下堂從前
錯欲區區手援天下黔蒼

又十和林卿得女

莫信人言虺不如熊瓦不如璋爲孟堅補史班昭才學
中郎傳業蔡琰詞章盡洗鉛華亦無瓔珞猶帶旃檀國

裏香笑貧女尙寒機軋軋催嫁衣忙
好速不數潘楊
占夢者曾言大秤量待銀河浪靜金鍼穿了藍橋路近
玉杵攜將倩似凝之媿如道韞簾卷燕飛王謝堂恁時
節看孫皆朱紫翁未皤蒼

漢宮春祕書弟家賞紅梅

靑女初晴向醜梢枯幹幻出妍姿休煩苑吏翦綵別有神司東皇太乙敕瑤姬淡傅胭脂還似得華清湯暖薄綃半卸冰肌
應笑楚宮癡絕略施朱則箇便妒蛾眉
唐人更無藉在浪比紅兒祥雲難聚且丁寧鐵笛輕吹
拚醉倒花閒一霎莫教絳雪離披

又再和前韻

多謝句芭露十分春信一種仙姿主人領客卜夜也
分司天葩國豔幾曾煩薄粉濃脂微似有酒潮玉頰更
無粟起香肌猶記老婆年少愛斜簪寶髻淺印紅眉
回頭笑他桃杏太赤些兒而今零落更禁當多少風吹
君看取梢頭點滴絕勝樹下紛披

又三和

酷愛名花本不貪妖豔惟賞幽姿烏臺舊案累汝牽惹
隨司冰層雪積獨伊家點絳凝脂應冷笑海棠醉睡牡
丹未免豐肌舞殿歌臺此際各新塗妝額別畫宮眉
那知有人淡泊不識蟲兒春鶯去也玉參差分付誰吹
空傳得暗香疏影瑣窗卷了還披

又四和

牆角殘紅恍徐娘雖老尙有丰姿紛綸絳節導從不要
街司隨波萬點似阿房漂出殘脂休懊惱丹鉛褪盡本
來冰雪爲肌老子平生心鐵被色香牽動愁上雙眉
且祝東風小緩瀝酒芭兒道伊解凍甚潘郎鬢雪難吹
猶憶侍釣天廣宴萬紅舞袖披披

又呈張別駕

京輦相逢憶茂陵臨御俱詣天官絳紗玉斧咫尺先引
頭班桃花滿觀與貞元朝士同看歸騎晚春城笳吹冶
游侵曉方還回首龍髯何在漫共談前事泪灑橋山
誰憐白頭柱史獨出函關君如春柳到而今也帶蒼顏

憑寄語江州司馬琵琶且止休彈

又癸亥生日

老子今年忽七旬加七飽閱炎涼夜窗猶坐書案點勘
偏旁浮榮膜外這些兒感謝蒼蒼試看取名園甲第主
人幾箇還鄉 淇澳磻溪二叟向王朝抑抑牧野洋洋
申公被蒲輪算來議明堂平章前哲駕青牛去底差強
自隳括山歌送酒不消假手長房

又吳侍郎生日

此老先生尙不留東閣肯博西涼我儂爭敢來近思曠
之旁朱顏未改絕勝如蔡義張蒼元自有安丹竈地何
須求白雲鄉 欲綴小詞稱壽□譬如河伯觀海眈洋

見莊子注遙知垂弧甲第置酒華堂且吟梁甫誰管他冶子
田強試問取壺翁仙訣幾時傳與君房

又丞相生日乙丑

吉語西來已袞歸行闕冊拜頭廳唐家豈可一日輕去
玄齡洛英蜀客老成人幾半朝廷但管取三邊無警活
他百萬生靈槐第安排敕設有藕如船大有棗如餅
瑤環瑜珥繞席箇箇馨一般奇特中台星拜老人星
誰知得肩攢萬國華筵少醉多醒

又陳尚書生日

公似寒梅向層冰積雪越樣清奇仙溪前輩相望可比
方誰百篇剴切似君謨又似當時更正簡相君顛面崇

清老子龐眉 未可卷懷袖手續平泉莊記綠野堂詩
苦言譬如食欖回味方思嗣皇訪落怪鶴書直恁來遲
煩借問二童一馬幾時入尉瞻儀

又題鍾肇長短句

謝病歸來便文殊相問嬾下禪牀雀羅晨有剝啄顛倒
衣裳袖中贄卷原夫輩安敢爭強若不是子期苗裔也
應通譜元常 村叟雞鳴籟動更休煩簫管自協宮商
酒邊喚回柳七壓倒秦郎一觴一詠老尙書閒殺何妨
煩問訊雪洲健否別來莫有新腔

...

...

...

...

...

...

...

...

...

後村長短句卷二

莆田 劉克莊 潛夫

念奴嬌

木犀

繞籬尋菊菊猶遲
舍北芙蓉渾未卻
是小山叢桂裏
一夜天香飄墜
約束奴兵丁
寧稚子莫掃青苔
砌風高露冷倚欄疑
匪人世客有載酒過
余朗吟招隱洗盡悲
秋意白髮長官窮似蝨
剛被天公調戲
徧地堆金滿空
雨粟不濟淵明事
殘英賸馥明朝猶可醉

又菊

老夫白首尙兒嬉
廢圃一番料理
餐飲落英并墜
露重把離騷拈起
野豔幽香深黃淺白
占斷西風裏
飛來雙

蝶繞叢欲去還止 嘗試詮次羣芳梅花差可伯仲之
閒耳佛說諸天金色界未必莊嚴如此尙友靈均定交
元亮結好天隨子籬邊坡下一杯聊泛霜蕊

又壬寅生日

比如去歲前年今朝差覺門庭靜玉軸錦標無一首知
道先生遠佞假使文殊攜諸菩薩來問維摩病無花堪
散亦無香積齋襯 回首雪浪驚心黃茅過頂瘴毒如
炊甑山鬼海神俱長者饒得書生窮命不慕飛仙不貪
成佛不要鑽天令年年今日白頭母子家慶

又壽方德潤

卯君來處與眉州仙子依稀同日一自前朝龔蔡後頗

覺壺山岑寂誰料端平繼居遺補復有斯人出幅巾林
下姓名玉座長憶須信諂語尤甘忠言最苦檄欖何
如蜜諸老蕭疏星欲曉留取南都鐵壁洛社自佳鏡湖
雖好莫問君王乞年年歲歲大家同做真率

又丙午鄭少師生日

禁中張宴苦留公未許歸尋初服千載君臣魚有水不
比巖光文叔火德中天客星一夕草草聊同宿重來凝
碧依然賡載相屬過眼夸奪紛紛浮雲野馬幾度棋
翻局客話鳳池三入事洗耳湖光一曲伯始泉荒稚珪
圃冷占斷西風菊年年歲歲金英常泛芳醪

又居厚弟生日

素馨茉莉向炎天別有一般標致淡妝綽約堪□□導
引海山大士從者誰歟青藜閣下漢卯金之子雲階月
地夜深涼意如水 客又疑這仙翁唐立都觀裏詠桃
花底且賭樽前身見在休管漢唐時事坡穎歸遲機雲
發早得似儂兄弟屢來戶外但言二叟猶醉

又七月望夕觀月昔方孚若每以是夕泛湖觴客云脩

坡公故事

天風浩動掃殘暑推上一輪圓魄愛舉眉山公舊話與
客泛舟赤壁一自奎星去朝帝所歎洞簫聲息空餘二
賦至今淒動金石 長記詩境平生詩豪酒聖亦自仙
中謫疇昔停橈追歡處忍聽鄰人吹笛董相林荒賀公

湖在俯仰成陳迹兩翁已矣年年孤負今夕

又

少時獨步詞場引弦百發無虛矢歲晚卻蒙崑體力世

業工脩鞋底

用楊文公事

曾裂白麻曾塗墨救謫墮俄徵起

鼎湖龍去老臣何以堪此

回首當日遭逢譬如春夢

誤入華胥裏推枕黃梁猶未熟封拜幾王侯矣似甕中
蛇似蕉中鹿又似槐中蟻先人書在尙堪追補遺史

又和誠齋休致韻

此翁雙手頓閒處且把香篝籠袖西掖北門辭不要肯
要南柯太守小小亭臺些些竹木何必靈和柳地行仙
裏合推儂做班首取次著絕交書續歸田錄誰掣先

生肘莫遣朝衣梅醜了留祝南山之壽蒼妓上廳老僧
封院得似樗庵叟虛名身後生前且一杯酒

又再和

夢中忘卻已閒退諫草猶藏懷袖文不會鋪張粉飾武
又安能戰守禿似葫蘆粹於薑桂衰颯同蒲柳沒安頓
處不如歸去北首 歲晚筋力都非任空花眩眼枯楊
生肘客舉前脩三數箇待與劉君為壽或號憨郎楊朴或
稱鈍漢玉川或自呼聾叟次山一篇齊物讀時噉以卮酒

又三和

戲衫拋了下棚去誰笑郭郎長袖小草庵無寶貝何
必神呵鬼守黃嬾篝燈青奴拂榻莫要他桃柳退之妾客

來問字此翁高臥搖首
彷彿曾子當年商歌滿屋衣
不完衿肘曾子捉衿而肘見混沌若教休鑿竅巧曆安知其壽
文叔故人仲華幾箇輪與羊裘叟浮生如寄切身之物
惟酒

又丙寅生日

老逢初度小兒女盤問翁翁年紀屈指先賢彷彿似當
日申公歸邸跛子形骸瞎堂頂相更折當門齒麒麟閣
上定無人物如此 追憶太白知章自騎鯨去後酒徒
無幾惡客相尋道先生清曉中醒慵起不袖青蛇不騎
黃鶴混迹紅塵裏彭聃安在吾師淇澳君子

又二和

並遊英俊從頭數富貴消磨誰紀道眼看來歎人生如
寄家如旅邸教婢羹藜課奴種韭聊誑殘牙齒草堂縣
蘊百年棲託於此歲晚筆禿無花探懷中殘錦翦裁
餘幾腰腳頑麻賜他靈壽杖也難扶起離絕交遊變更
名姓日暮空山裏老儂復出不知誰氏之子

又三和

四朝遺老鬚眉白巧曆不知其紀

瘞鶴銘云鶴壽不知其紀

真喚九

重爲座主肯謁侯門王邸晚會耆英未論爵德鄉曲無

如齒酒酣度曲妙音久不聞此

堪歎化鶴重來但纍

纍華表舊人存幾散盡黃金留篋中團扇怕秋風起結
綺歌闌披香宴悄放出深宮裏顛毛雖禿尙堪封管城

子

又四和

太北晚節把家事一切傳他謔紀業已休休又誰解露
綬會稽郡邸張丈殷兄阮生朱老相與為脣齒酒樓猶
記謫仙嘗醉於此 一二耆舊貽書新來強健否問年

今幾謝傳當時卻因箇甚拋了東山起對局含嘔溫飛卿對

局詩含嘔見千里聞箏墮泪圍在愁城裏吾評晉士不如歸去

來子淵明自稱陶子

又五和

隆乾閒事兩翁有手澤遺編曾紀余掌蘭臺脩纂到景
定初開忠邸壞起復麻奮塗歸筆嚼碎張巡齒德音猶

在非卿何足語此 老來茲事都休問門前賓客今朝
來幾達汝空函投伊大獲內誰曾提起丹汞灰飛黃梁
炊熟跳出槐宮裏兒童不識秃翁定是誰子

又六和

輪雲世故千萬態過眼誰能殫紀隻履攜歸消許急日
暮行人問邸廡以臍災狻爲尾累焚象都因齒後之覽
者亦將有感於此 檢點洛下同盟蕭疏甚白髮戴花
人幾一覺齟齬笑僕家越石聞雞而起顏髮俱非頭皮
猶在勝捉來官裏俗閒俚耳未曾聞這腔子

又

自填曲子自歌之豈是行家官樣眼瞎背駝方引去羞

殺陳搏种放摺起殘編寄聲太乙不必煩藜杖陳人束
閣讓他來者居上安樂值幾多錢且幅巾條褐準雲
臺象長扇矮壺山南北忘卻曉隨天仗六逸七賢五更
三老元不論資望香山誤矣漁翁何減爲相

又丁卯生朝

小孫盤問翁翁今朝怎不陳弧矢翁道暮年惟隻眼不
比六根全底常日談立餘齡守黑赤眚從何起鬢鬚雪
白可堪委頓如此心知病有根苗短檠吹了世界朦
朧裏縱有金篋能去翳不敢復囊螢矣但願從今疾行
如鹿更細書如蟻都無用處留他教傳麟史

解連環 戊午生日

旁人嘲我甚鬢毛都禿齒牙頻墮不記是何代何年儘
元祐熙寧儂常暗麼退下驢兒今老矣豈堪推磨要挂
冠神武幾番說了這回真箇親朋紛紛來賀況弟兄
對榻兒女團坐願世世相守茅檐便宰相時來二郎休
作佐白苧烏巾誰信道神仙曾過揀人閒有松風處曲
肱高臥

又甲子生日

揆余初度笑汝曹緋綠乃翁蒼素一甲子帶水拖泥今
歲謝君恩放還山去政事堂中把手版分明抽付向門
前客道老子出遊人不知處小車萬花引路又誰能
記得觀裏千樹老冉冉歡意闌珊縱桃葉多情難喚同

渡買隻船兒穩載取筆牀茶具便芸瓜一生一世勝侯
千戶

又

懸弧之旦憶爭騎竹馬各懷金彈恨歲月去我堂堂向
酒畔愁生鏡中顏換竈壞丹飛慢追悔鄴侯婚宦已發
心懺悔免去猴冠卸下麟檀 依稀僕家鐵漢雖末梢
老壽初節魔難幸聞早省了柳枝更送了朝雲塵念俱
斷丈室蕭然獨病與樂天相伴但歸依西方拈起向來
一瓣

又乙丑生日

左弧懸了把柴門櫬定悄無人到慚愧得一二親朋□

○○○○温存枯槁玉軸銀鉤攬掇我比磻溪老之瓊
琚可報惟有聲聲司馬稱好 卷收戎韉錦襖且行拾
遺穗醉藉芳草做一箇物外閒人省山重擔擎天大煩
惱昔似龍鸞今踏颯不驚魚鳥願從茲享回仙壽準汾
陽考

木蘭花慢壽王實之

瀛洲真學士爲底事在紅塵爲語觸宮闈沈香亭裏
暝謫仙人爲親近君側者見萬言策子基劉蕡爲是尙方
請劔漢廷多憚朱雲 君言往事勿重陳且鬪酒邊身
也不會區區算他甲子記甚庚寅爾曹譬如朝菌又安
知老柏與靈椿世上榮華難保古來名節如新

又癸卯生日

病翁將耳順牙齒落鬢毛疏也慚愧君恩放還田舍免
詣公車兒時某些某水到如今老矣可樵漁寶馬華軒
無分蹇驢破帽如初浮名箕斗竟成虛磨折總因渠
帝錫余別號江湖聲叟山澤仙臞樽前未宜感慨事猶
須看歲晏何如衛武耄年作戒伏生九十傳書

又送鄭伯昌

古人吾不見君莫是鄭當時更築就山房躬耕谷口名
動京師諸公任他袞袞與杜陵野老共襟期有客至門
先喜得錢沽酒何疑昔年連轡柳邊歸陳迹恍難追
況種桃道士看花君子回首皆非相逢故人問訊道劉

郎老去久無詩把作一場春夢覺來莫要尋思

又丁未中秋

水亭凝望久期不至擬還差隔翠幌銀屏新眉初畫半
面猶遮須臾淡煙薄靄被西風掃盡不留些失了白衣
蒼狗奪回雪兔金蟆 乘雲徑到玉皇家人世鼓三搥
試自判此生更看幾度小住爲佳何須如鉤似玦便相
將只有半菱花莫遣素娥知道和他髮也蒼華

又漁父詞

海濱蓑笠叟駝背曲鶴形臞定不是凡人古來賢哲多
隱於漁任公子龍伯氏思量來島大上鉤魚又說巨鼈
吞餌牽翻員嶠方壺 磻溪老子雪眉鬚肘後有丹書

被西伯載歸營北茅土牧野檀車世閒久無是事問苔
磯癡坐待誰歟只怕先生渴睡釣竿拂著珊瑚

又趙叟生日

郡人元未識新太守定何如待說向諸賢西橋人物箇
箇清臞相將下車許久但凝香之樂一些無殘漏幾籌
視事濃油一盞觀書 旁人徒見兩輪朱玉色未嘗腴
有無窮陰鷲三農衣食萬衲鐘魚爾儂迎新送舊似君
侯清約更誰歟欲舉一杯壽酒卻愁破費兵廚

又己未生日

新來衰態見書嬾讀鏡休看笑量窄才慳卷無警策杯
有留殘思量減些年甲怎奈何鬚與鬢難瞞假使詔催

上道不如敕放還山 數年前乞挂衣冠 耄矣尙盤桓
且行歌拾穗未應天上解勝人閒仙家更無理會至今
傳都廁處劉安莫怪是翁鬢鑠止緣老子癡頑

又客贈牡丹

維摩居士室晨有鵲噪檐聲排闥者誰歟治容衹服寶
髻珠瓔疑是毗耶城裏那天魔變作散花人姑射神仙
雪豔開元如子春醒 廊延第一次西京姚魏是知名
向歐九記中思公屏上描畫難成一自朝陵使去賺洛
陽花鳥望昇平感慨桑榆暮景抉挑草木微情
摸魚兒

怪新年倚樓看鏡清狂渾不如舊暮雲千里傷心處那

更亂蟬疏柳凝望久愴故國百年陵闕誰回首功名大
謬歎采藥名山讀書精舍此計幾時就封侯事久矣
輸人妙手滄洲聊作漁叟高冠長劔渾閒物世上切身
惟酒千載後君試看拔山扛鼎俱烏有英雄骨朽問顧
曲周郎而今還解來聽小詞否

又海棠

甚春來冷煙淒雨朝朝遲了芳信驀然作暖晴三日又
覺萬姝嬌困霜點鬢潘令老年年不帶看花分才情減
盡悵玉局飛仙石湖絕筆孤負這風韻傾城色懊惱
佳人薄命牆頭岑寂誰問東風日暮無聊賴吹得胭脂
成粉君細認花共酒古來二事天尤吝年光去迅漫綠

葉成陰青苔滿地做得異時恨

又用實之韻

便披蓑荷鋤歸去何須身著宮錦與誰共話桑麻事朱
老阮生尤稔節樣餅甕樣繭長鬚赤腳供樵飪清流濁
品盡掃去胷中置諸膜外對酒莫辭飲 華胥夢怕殺
人驚曉枕疏窗惟月來闖一生常被弓旌誤且告朝家
追寢愁箇甚君管取有薇堪采松堪蔭茅山再任幸不
是謀臣又非世將免犯道家禁

轉調二郎神余生日林農卿贈此詞終篇押一韻效嘖

一首

抽還手版受用處十分輕省便衣翦家機飯炊躬稼且

免支移係省帝憫龍鍾蠲朝謁子長假毋煩申省笑木
石虛齋暮年忼做端明提省 閒冷橐金散盡書筒來
省有小小樓兒看山待月絕勝崔公望省兩鶴隨軒一
奴負鍤此外諸餘從省把一身本末綠章奏過泰立都
省

又再和

黃梁夢覺忽跳出北扉西省今似得何人老僧退院秀

才下省罷草河西淮南詔沒一字諮尙書省 學士院文字至朝廷

皆云諮報不云申也已交侶樵漁免教人道彌封官省 多幸條

冰解去新銜全省笑殺太師光賜靈壽杖有詔扶他入

省死諡醉侯生封詩伯此事不關朝省便茅屋送老雲

邊也勝倚金華省

又三和

一筇兩屨導從比在京差省更不草白麻不批黃敕稍
覺心清力省幸有善和書堪讀何必然藜芸省且閣起
莊騷專看老易課程尤省 夢境槐陰禁苑藥翻綸省
紙裏裏有青銅錢三百送與酒家展省弔李白墳挂徐
君劔零落端平同省端平乙未李元善爲都官徐直
翁爲司封余爲侍右同在南廊僅
留得老子婆娑怎不拂衣華省

又四和

近來塞上喜蠟彈羽書清省更萬竈分屯百年和糴慚
愧而今半省蒙韃殘兵騎豬遁永絕生猺侵省做箇太

平民戴花身健催租符省
何幸行人來密僉軍抽省
但進有都俞退無科瑣不用依時出省子厚南宮仲舒
西掖又報岑參東省趁此際納祿懸車亦爲大司農省
又五和

人言官冗老病底法當先省況行則蹒跚立時跛倚幸

免做他兩省

侍立官號
小兩省

客怕逢迎書慵答得省處而今

姑省笑落盡桃花僕家夢得重來郎省
涼冷練衣差

薄蒲葵堪省歎三紀單棲二毛純白情味似潘騎省鬻

馬遣姬惟書與畫點檢依然難省也不用畜犬防偷老

去睡眠常省

長相思惜梅

寒相催暖相催催了開時催謝時
丁寔花放遲 角聲
吹笛聲吹了南枝吹北枝
明朝成雪飛

又寄遠

朝有時暮有時潮水猶知日兩回
人生長別離 來有
時去有時燕子猶知社後歸
君行無定期

又餞別

風蕭蕭雨蕭蕭相送津亭折柳條
春愁不自聊 煙迢
迢水迢迢準擬江邊駐畫橈
舟人頻報潮

又

煙淒淒草淒淒野火原頭燒斷碑
不知名姓誰 印纍
纍塚纍纍千萬人中幾箇歸
榮華朝露晞

又

勸一杯復一杯短鏞相隨死便埋英雄安在哉
眉不開懷不開幸有江邊舊釣臺拂衣歸去來

昭君怨牡丹

曾看洛陽舊譜只許姚黃獨步若比廣陵花太虧他
舊日王侯園圃今日荆榛狐兔君莫說中州怕花愁

又瓊花

后土宮中標韻天上人閒一本道號玉真妃字瓊姬
我與花曾半面流落天涯重見莫把玉簫吹怕驚飛

又

一箇恰雷州住一箇又廉州去名姓在金甌不如休

昨日沙隄行馬今日都門飄瓦君莫上長竿下來難
生查子元夕戲陳敬叟

繁燈奪霽華戲鼓侵明發物色舊時同情味中年別
淺畫鏡中眉深拜樓西月人散市聲收漸入愁時節

後村長短句卷三

莆田 劉克莊 潛夫

滿江紅夜雨涼甚忽動從戎之興

金甲瑯戈記當日轅門初立磨盾鼻一揮千紙龍蛇猶
濕鐵馬曉嘶營壁冷樓船夜渡風濤急有誰憐猿臂故
將軍無功級 平戎策從軍什零落盡慵收拾把茶經
香傳時時溫習生怕客談榆塞事且教兒誦花閒集歎
臣之壯也不如人今何及

又二月廿四夜海棠花下作

老子年來頗自許心腸鐵石尙一點消磨未盡愛花成
癖懊惱每嫌寒勒住丁寔莫被晴烘坼柰暄風烈日太

無情如何得 張畫燭頻頻惜憑素手輕輕摘更幾番
雨過彩雲無迹今夕不來花下飲明朝空向枝頭覓對
殘紅滿院杜鵑啼添愁寂

又題范尉梅谷

赤日黃埃夢不到清溪翠麓空健羨君家別墅幾株幽
獨骨冷肌清偏要月天寒日暮尤宜竹想主人杖屨繞
千回山南北 寧委澗嫌金屋寧映水羞銀燭歎出羣
風韻背時裝束競愛東鄰姬傅粉誰憐空谷人如玉笑
林逋何遜漫爲詩無人讀

又送宋惠父入江西幕

滿腹詩書餘事到穰苴兵法新受了烏公書幣著鞭垂

發黃紙紅旗喧道路黑風青草空巢穴向幼安宣子頂
頭行方奇特谿峒事聽儂說龔遂外無長策便獻俘
非勇納降非怯帳下健兒休盡銳草閒赤子俱求活到
崆峒快寄凱歌來寬離別

又

落日登樓誰管領倦遊狂客待喚起滄浪漁父隔江吹
笛看水看山身尙健憂晴憂雨頭先白對暮雲不見美
人來遙天碧山中鶴應相憶沙上鷺渾相識想石田
茅屋草深三尺空有鬢如潘騎省斷無面見陶彭澤便
倒傾海水浣衣塵難湔滌

又送王實之

天壤王郎數人物方今第一談笑裏風霆驚座雲煙生
筆落落元龍湖海氣琅琅董相天人策問如何十載尙
青衫諸侯客 易愛底些官職難保底些名節擬閉門
投轄劇談三日疇昔評君天下寶當爲天下蒼生惜向
臨分慷慨出商聲摧金石

又壽王實之

鶴馭來時長占定一年清絕九萬里織雲收盡帝青空
闕月露偏爲丹桂地風霜欲放黃花節聽玉笙縹緲度
緱山吹初徹 曾直把龍鱗批曾戲取鯨牙拔向絳河
濯足咸池晞髮俗子底量吾輩事天仙不在臞儒列世
豈無瑤草與蟠桃堪攀掇

又和王實之韻送鄭伯昌

怪雨盲風留不住江邊行色煩問訊冥鴻高士釣鼈詞
客千百年傳吾輩話二三子繫斯文脈聽王郎一曲玉
簫聲淒金石 晞髮處怡山碧垂釣處滄溟白笑而今
拙宦他年遺直只願常留相見面未宜輕屈平生膝有
狂談欲吐且休休驚鄰壁

又四首並和實之

往日封章曾聳動君王顏色今似得三閩公子四明狂
客古不能箝言者口天方欲壽中朝脈算人閒豈有病
無醫須鍼石 年冉冉袍猶碧心耿耿頭先白笑臣舒
迂緩臣山愚直拂袖歸來羞炙手望塵拜了難伸膝把

富春瀨與首陽山圖齋壁

又

三黜歸來飯疏食，渾無愠色。中年後家如旅舍，身如行客。軒冕豈非疣贅，具煙霞已是膏肓。脈有些兒隙地，更疏泉堆卷石。鄰媪餉新筍，碧溪友賣鮮鱗。白向陳編冷笑，孔明元直，俗事不教污兩耳。宴居聊可盤雙膝，取當年行腳一枝筇，懸高壁。

又

疇昔臚傳仗下奏，祥雲五色。何況是西山弟子，鶴山賓客。上帝照臨，忠義膽老師付授，文章脈。問此君彷彿，似何人徂徠石。園官菜登盤，碧田舍米翻匙，白嬾投詩。

見素寄書杓直德耀不嫌爲隱髻龜兒已解搖吟膝有
誰憐給札老相如家徒壁

又

下見西山料他日面無慚色君記取不爲呂黨亦非秦

客

檜有
十客

有意挽回當世事無方延得諸賢脈笑海波渺

渺幾時平空銜石園五畝紛紅碧家四世傳清白任

天孫笑拙女嬃嫌直老去何煩援以手向來不要加諸
膝待深山深處著茅齋看青壁

又壽唐夫人

八十加三人盡訝還童返少爭信道夜春曉織總曾經
了凜凜共姜當日誓諄諄孟母平生教到如今象服擁

魚軒天之報 如船藕如瓜棗斑衣舞金鍾醕望秋宵
一點老人星照塵世少如娘福壽上蒼知得兒忠孝待
看他孫子又生孫添懷抱

又和叔永吳尙書時吳喪少子

著破青鞋渾不憶踏他龍尾更冷笑癡人擘劃二三百
歲殤子彭錢誰壽天靈均漁父爭醒醉向江天極目羨
禽魚悠然矣 杯中物姑停止牀頭易聊拋廢慨事常
八九不如人意白雪調高尤協律落霞語好終傷綺待
煩公老手一摩挲文公記

又丹桂

昨日梢頭點點似玉塵珠礫一夜裏天公染就金丹顏

色體質翻嫌西子白濃妝卻笑東鄰赤儘重重簾幕不
能遮香消息 寒日短霜飛急未搖落須憐惜且亂簪
破帽旋呼鳴瑟便好移來雲月地莫教歸去旃檀國怕
彩鸞隱見霎時閒尋無迹

又

禱祝封姨休把做揚沙吹礫費西帝許多薰染濃香深
色滿插銅匱芳氣烈高張畫燭祥光赤向先生鼻觀細
參來三千息 人老大年華急花妖豔天公惜到一枝
搖落干林蕭瑟摘藥莫教輕糝地返魂依舊能傾國待
彩雲月下再來時尋陳迹

又

月露晶英融結做秦宮塊礫長殿後一年芳事十分秋色織女機邊雲錦爛天台賦裏晴霞赤恍女仙空際駕翔鸞來遊息裝束晚飄零急今不樂空追惜欠紅牙按舞朱絃調瑟豈是時無花鳥使是他自擇風霜國任落英狼藉委蒼苔稀行迹

又

誰把靈丹點化了荒園瓦礫奇特處恰當秋杪不爭春色因甚素娥脂粉豔怪他白帝車旗赤歎暮年無句比紅兒芳心息狂飆起行雲急開與謝俱堪惜喚妓行按酒客來操瑟撲鼻微香薰世界解顏一笑迷人國怕恩恩歸去廣寒宮難蹤迹

又

楮葉工夫辛苦似鏤冰
炊礫君看取天公巧處自然形
色髮絲已非前度綠
眼花休問何時赤
又誰能月下待
紅娘傳音息
投轄飲追歡
急持帚掃癡心
惜有塤篪
諧律不消筚瑟
點點散來居士室
叢叢生占騷人國
便高燒絳蠟寫烏絲
留眞迹

又

糝徑紅裯莫要放
兒童拋礫知渠是仙家
變幻佛家空
色青女無端工翦絲
紫姑有祟曾迷赤
但雙雙戲蝶繞
空枝飛還息
鯨量減駒陰急
芳事過餘情
惜漫新腔
窈渺奏雲和瑟
飄蕩隨他紅葉水
蕭條化作青蕪國
憶

橋邊池上共攀翻空留迹

又端午

梅雨初收渾不辨東陂南蕩清旦裏鼓鏡動地車輪空
蒼畫舫稍漸京輦俗紅旗會踏吳兒浪共葬魚娘子斬
蛟翁窮歡賞麻與麥俱成長蕉與荔應來享有纍臣
澤畔感時惆悵縱使菖蒲生九節爭如白髮長千丈但
浩然一笑獨醒人空悲壯

又丁巳中秋

說與行雲且擱就嫦娥今夕俄變見金蛇能紫玉蟾能
白九萬里風清黑眚三千世界純銀色想天寒桂老已
吹香堪攀摘湘妃遠誰鳴瑟桓伊去誰橫笛歎素光

如舊朱顏非昔老去歡悰無柰減向來酒量常嫌窄倩
何人天外挽冰輪應留得

又林元質侍郎生日四月二十九日

天上人閒好時節無過初夏君記取瞿曇生後純陽來
也風骨清臞如野鶴門庭低小纔旋馬更旁無紅粉有
青奴堪娛夜 鯨口吸銀餅瀉蠅頭字篝燈寫數而今
鐵筆誰如公者便合去開丞相閣未應牽入耆英社待
調羹事了卻歸來尋前話

又慶抑齋元樞八十

屈指耆英誰似得三朝元老尙留箇管夷吾在何憂江
表世道方占公出處裔夷爭問今年貌怎不移此手整

乾坤長閒了
靈壽卻斑衣繞如餅李如瓜棗把禪龕
閉定怕蒲輪到師尙父年渾未艾中書令考猶爲少看
畫盆歲歲浴曾立添懷抱

又次韻徐使君癸亥燈夕

笳鼓春城處處有豐年語笑渾忘卻金蓮前導青藜下
照白雪唱來偏寡和朱顏老去難重少羨遨頭四十已
專城眞英妙 奎文寵崇儒教田毛喜寬租詔有春陵
之什無潮州表怪雨盲風稀發作華星秋月爭光耀看
來年此夜侍端門開佳兆

又再和

奎墨西來落筆處親蒙天笑誰信道郡人生怕福星移

照賓客唱予還和汝使君安老兼懷少況醉能同樂醒
能文新腔妙無諸國漸聲教元結輩宣明詔恍夢中
遼鶴重來華表一琰勘書殊簡徑萬燈侍輦曾榮耀怪
晴檐乾鵲語查查公歸兆

又傅相生日癸亥

江左惟公爭些子吾其衽髮談笑裏旄頭汎掃斗杓旋
幹投一粒丹元氣轉下三數著輸棋活把晉朝王謝傳
同看誰優劣飛凱奏清夔峽蠲和糴寬畿浙有三千
功行待從頭說玉斝滿斟長壽酒冰輪探借中秋月更
慈幃喜見鳳將雛添丹穴

又傅相生日甲子

見宰官身出隻手擎他宇宙籌邊外招徠名勝登崇勳
舊不下萊公扶景德又如涑水開元祐儘從渠干贄及
吾門歸斯受 上林苑多花柳邴連塞稀刁斗更紅旗
破賊黃雲棲畝阿母瑤池枝上實仙人太華峰頭藕瀉
銅盤沉瀼入金卮爲公壽

又

禮樂衣冠渾靠定堂堂國老出雙手把天裂處等閒補
了謝傅東山心未遂周郎赤壁功猶小事難於張趙兩
元台扶炎紹 恢鶴禁迎商皓開兔苑延枚叟喜奎星
來聚旄頭都掃重譯爭詢裴令貌御詩也祝汾陽考更
何須遠向海山求安期棗

又海棠

壓倒羣芳天賦與十分穠豔嬌嫩處有情皆惜無香何
慊恰則纔如鍼粟大忽然誰把胭脂染放遲開不肯墜
梅花羞寒儉時易過春難占歡事薄才情欠覺芳心
欲訴冶容微斂四畔人來攀折去一番雨有離披漸更
那堪幾陣夜來風吹干點

又

嫌殺雙輪駕行客之燕適粵也不喜船兒無賴載他江
浙蕩子不歸鴛被冷昭君遠嫁氍毹車發歎子規閒管昔
人愁啼成血渭城柳爭攀折關山月空圓缺有琵琶
改語錦書難說若耍人生長美滿除非世上無離別算

古今此恨似連環何時絕

水龍吟已亥自壽二首

年年歲歲今朝左弧懸罷渾無事吾衰久矣我辰安在
老之將至嬾寫京書怕看除日敗人佳思把東籬掩定
北窗開了悠然酌頽然睡 客有過門投贄道先生訪
華胥氏誰能辛苦陪他綺語記他奇字屈指先賢戴花
老監豈其苗裔待異時約取寬夫彥國入耆英會

又

先生放逐方歸不如前輩抽身早臺郎舊秩看來俗似
散人新號起舞非狂行吟非怨高眠非傲歎終南捷徑
太行盤谷用卿法從吾好 閉了草廬長嘯後將軍來

時休報牀頭書在古人出處今人非笑製箇淡詞呷些
薄酒野花簪帽願雲臺任滿又還因任賽汾陽考

又自和前二首

病翁一榻蕭然

劉屏山號病翁

不知世有歡娛事雀羅庭院載

醪客去催租人至報答秋光要些酒量要些詩思柰長

鯨罷吸寒蛩息響茶甌外惟貪睡

窮巷幸無干贄或

相過莫知誰氏柴門草戶闕人守舍任伊題字自和山

歌國風之變離騷之裔待從今向去年年強健插花高

會

又

平生酷愛淵明偶然一出歸來早題詩信意也書甲子

也書年號陶侃孫兒孟嘉甥子疑狂疑傲與柴桑樵牧
斜川魚鳥同盟後歸於好 除了登臨吟嘯事如天莫
相諮報田園閒靜市朝翻覆回頭堪笑節序催人東籬
把菊西風吹帽做先生處士一生一世不論資考

又辛亥安晚生朝

祁公一度貂蟬先生三度貂蟬了燔柴升輅銀蟾燭夜
金烏騰曉喜動龍顏班虹玉歸功元老縱擎天力倦
明農心切先還取中書考 末著留侯難辦算除非煩
他商皓紫芝產徧赤松待久何時高蹈人世無過魚羹
飯美布衾銘好待角巾東路蹇驢北阜伴公遊釣

又癸丑生日時再得明道祠

依然這後村翁阿誰改換新曹號虛名砂礫旁觀冷笑
何曾明道吟歇後詩說無生話熱瞞村獠被兒童盤問
先生因甚身頑健年多少 不茹園公芝草不曾餐安
期瓜棗要知甲子陳搏差大邵雍差小肯學癡人據鞍
求用染髭藏老待眉毛覆面看千桃謝閱三松倒

又丙辰生日

兒童不識樗翁挽衣借問年今幾少如彥國大如君實
披襟高比德業天淵有些似處鬚眉而已願老身無事
小車乘興名園內行窩裏 做取出關周史莫做他下
山園綺從人謗道是浮北伯是庚桑子背偃肩高幅巾
藜杖做袍穿履向畫圖上面十分似箇見端門底

又

卽今七十平頭豈能久作人閒客
左車牙落半分臂小
幾莖鬚白挾種樹書舉障塵扇
著遊山屐任蛙蟆勝負
魚龍變化儂方在華胥國
島大功名官職眼中花
須臾無迹小兒破賊二郎作相
有何奇特同輩蕭疏且留
鐵漢要摩銅狄向寶釵樓裏
天津橋上月明橫笛

又丁巳生日

不須更問旁人勸君自拂青銅照
幅巾短褐有些野逸
有些村拗兩度呼來也曾批敕
也曾還詔笑先生此手
今堪何用苔磯上堪垂釣
白雪新腔高妙把儂家調
疏稱道六韜未試抑詩未作
如何歸老玉帶金貂星兒

快活天來煩惱待自賤年甲繳還官職換山翁號

李建勳云

幸有山翁號
如何不見呼

又徐仲晦方蒙仲各和余去歲笛字韻爲壽戲答二君
行藏自決於心不消謀及門前客平生慕用著書立晏
挂冠貞白帝獎孤高別加九錫一筇雙屐更賜之車服
胙之茅土依稀在槐安國 頻領竹宮清職仰飛仙猶
龍無迹與誰同去挑包徐甲負轅班特蹉過明師且尋
狎友杜康儀狄笑謝公曠達暮年垂泪聽桓郎笛

又方蒙仲王景長和余丙辰丁巳二詞走筆答之

先生避謗山棲戒門不納高軒客誰歟來者吟詩張碧
談諧侯白禮數由他謝郎著帽王郎穿屐且問花隨柳

舉杯邀月那須預人家國

用桓溫語

香案旁邊供職鳥飛

空何曾留迹矐翁鐵漢兩賢安在百夫之特但願王師
早俘頡利早禽長狄便太平無事賣薪沽酒騎牛腰笛

又

當年玉立清揚屋梁落月偏相照而今衰颯形骸百醜
情懷十拗久已飾巾尙堪扶杖聽山東詔儘後車載汝
營共封汝何必在磻溪釣晚悟儋書立妙嬾從他鍾
離傳道不論資望推排也做五更三老宋玉多悲唐衢
喜哭好閒煩惱問天公撲斷散人二字賜龜蒙號

又

此翁飽閱人間三生似是劉賓客若論輩行早陪韓柳

晚交元白老矣安能爲人取履與人爭屐歎酒泉郡遠
醉鄉路絕今何處堪開國 解去冰銜華職徧空山難
尋行迹道旁喘月田閒臥草也勝郊特宰相□□周公
留召婁公容狄喜時平身健三行社飲一聲樵笛

又

病夫鬢禿顏蒼不堪持向清溪照一生柄鑿壯夫瞋懦
通人嫌拗讓當行家勒浯西頌草淮南詔幸脫離沮洳
浮遊江海悠然逝毋吞釣 宴坐蒲團觀妙怪癡兒舂
糧求道古人尙齒迎他商皓拜他龐老鳩杖蒲輪把身
束縛替人愁惱煞爲僧不了下梢猶要紫衣師號

余以年勞

該賜
龜紫

又林中書生日六月十九日

虜齋不是凡人海山仙聖知來處清英融結佩瑤臺月
飲金莖露翰墨流行禁中有本御前停箸向弘文館裏
薰風殿上親屬和微涼句 已被昭陽人妒更那堪鼎
成龍去曾傳寶苑曾將玉杵付長生兔地覆天翻河清
海淺朱顏常駐算給扶朝者臨雍拜者下梢須做

又丁卯生日

此翁幸自偏盲那堪右目生微翳羽流禳謝緇郎懺悔
天平無罪客曰不然也因口腹也因瞻視汝夜披黃卷
日餐丹荔貽伊惑將誰對 長智都緣更事盡今生十
分珍衛暮年怕殺汗青蠹簡擘紅高會也莫貪他君謨

舊譜子雲奇字特邀張司業看花題竹韓家園內

韓喜張籍

昨日韓家後園內看花猶自未分明

風流子白蓮

松桂各參天石橋下新種一池蓮似仙子御風來從姑
射地靈獻寶產向藍田曾入先生虛白屋不喜傳朱鉛
記茂叔溪頭深衣聽講遠公社裏素衲安禪山閒多
紅鶴端相久驀地飛去蹣跚但蝶戲鷺翹有時偷近旁
邊對月中乍可伴娥孤另牆頭誰肯窺玉三年俗客濃
妝安知國豔天然

滿庭芳

涼月如冰素濤翻雪人世依約三更扁舟乘興莫計水

雲程忽到一洲奇絕花無數多不知名渾疑是芙蓉城
裏又似牡丹坪蓬萊應不遠天風海浪滿目淒清更
一聲鐵笛石裂龍驚回顧塵寰局促揮袂去散髮騎鯨
蘧蘧覺元來是夢鐘動野雞鳴

後村長短句卷四

莆田 劉克莊 潛夫

賀新郎

吾少多奇節頗擲揄玉關定遠壺頭新息一劍防身行
萬里選甚南溟北極看塞鴈銜來秋色不但架棋誇妙
手管城君亦自無勅敵終賈輩恐難匹 酒腸詩膽新
來窄向西風登高望遠亂山斜日安得良弓并快馬聊
與諸公角力漫醉把欄干頻拍莫恨寒蟾離海晚待與
君秉燭遊今夕歡易買健難得

又送陳眞州子華

北望神州路試平章這場公事怎生分付記得太行山

百萬曾入宗爺駕馭今把作握蛇騎虎君去京東豪傑
喜想投戈下拜真吾父談笑裏定齊魯兩河蕭瑟惟
狐兔問當年祖生去後有人來否多少新亭揮泪客誰
夢中原塊土算事業須由人做應笑書生心膽怯向車
中閉置如新婦空目送塞鴻去

又杜子所凱歌

盡說番和漢這琵琶依稀似曲驀然絃斷作麼一年來
一度欺得南人技短歎幾處城危如卯元凱後身居玉
帳報胡兒休作尋常看布嚴令運奇算開門決鬪雌
雄判笑中宵奚車羶屋獸驚禽散箇箇魏冠橫塵柄誰
了君王此段也莫靠長江能限不論周郎并幼度便仲

尼復起嗟微管馳露布築京觀

又跋唐伯玉奏藁

宣引東華去似當年文皇親擢馬周徒步殿上風霜生
白簡下殿扁舟已具怎不與官家留住古有一言腰相
印誰教他滿篋嬰鱗疏還笏退不回顧 新來邊報猶
飛羽問諸公可無長策少寬明主攀檻朱雲頭雪白流
落如今底處但一片丹心如故賴有越臺堪眺望那中
原莫已平安否風色惡海天暮

又送唐伯玉還朝

驛騎聯翩至道臺家籌邊方急酒行姑止作麼攜將琴
鶴去不管州人墮泪富與貴平生無味可但紅塵難著

脚便山林未有安身地搔白髮兀相對 前身小范疑
公是憶當年天章閣上建明尤偉慶曆諸賢方得路便
不容他老子須著放延州城裏一句殷勤牢記取在朝
廷最好圖西事何必向玉關外

又送黃成父還朝

飛詔從天下道中朝名流欲盡君王思賈時事祇今堪
痛哭未可徐徐俟駕好著手扶將宗社多少法筵龍象
眾聽靈山屬付些兒話千百世要傳寫 子方行矣乘
驄馬又送他江南太史去遊瓊廈老我伴身惟有影倚
徧風軒月榭悵玉手何時重把君向柳邊花底問看貞
元朝士誰存者桃滿觀幾開謝

又戊戌壽張守

南國秋容晚曉寒
輕菊花臺榭拒霜池
館試向壺山堂
上望萬頃黃雲川
徧總喫著君侯方寸
不要漢廷誇擊
斷要史家編入循良傳
春腳到福星見
家家香火人
人願要還他慶元
狨座建炎蟬冕
穩奉安輿迎兩國
誰謂山遙水遠
福壽比河沙
難算來歲而今
黃花節早驂鸞
入侍瑤池
宴風浩蕩
海清淺

又端午

深院榴花吐
畫簾開
練衣紈扇
午風清暑
兒女紛紛誇
結束新樣釵符艾虎
早已有遊人觀渡
老大逢場慵作
戲任陌頭年少爭
旗鼓溪雨急浪花舞
靈均標致高

如許憶生平既紉蘭佩更懷椒精誰信騷魂千載後波
底垂涎角黍又說是蛟饞龍怒把似而今醒到了料當
年醉死差無苦聊一笑弔千古

又九日

湛湛長空黑更那堪斜風細雨亂愁如織老眼平生空
四海賴有高樓百尺看浩蕩千崖秋色白髮書生神州
汨儘淒涼不向牛山滴追往事去無迹少年自負凌
雲筆到而今春華落盡滿懷蕭瑟常恨世人新意少愛
說南朝狂客把破帽年年拈出若對黃花孤負酒怕黃
花也笑人岑寂鴻北去日西匿

又寄題聶侍郎櫓孤亭

絕頂規危榭跨高寒鳥飛不過雲生其下斤斲無聲人
按堵翕習青紅變化覽城郭山川如畫閣老鳳樓脩造
手笑談閒突出凌雲廈臺上景買無價唾壺塵尾登
臨暇似當年滁陽太守歐陽公也傾倒贛江供硯滴判
斷雪天月夜更喚取鄒枚司馬銅雀凌歊歌舞散訪殘
磚斷甃無存者餘翰墨被風雅

又

動地東風起畫橋西繞溪桑柘漫山桃李寂寂牆陰蒼
苔徑猶印前回屐齒驚歲月颿馳雲駛太息攀翻長亭
樹是先生手種今如此君不樂欲何俟傍人錯會淵
明意笑斯翁皇皇汲汲登山臨水佳處徑呼籃輿去彷彿

拂柴桑栗里從我者門生兒子嘗試平章先賢傳屈原
醒不似劉伶醉拚酩酊臥花底

又宋菴訪梅

鵲報千林喜還猛省謝家池館早寒天氣要與瑤姬敘
離索草草杯盤藉地悵減盡何郎才思不願玉堂并金
屋願年年歲歲花閒醉餐秀色挹高致西園飛蓋東
山妓問何如半山雪裏孤山煙外管甚夜深風露冷人
與長緝共睡任翠羽枝頭多事老子平生無他過爲梅
花受取風流罪簪白髮莫教墜

又游水東周家花園

溪上收殘雨倚畫欄薄綵乍脫日陰亭午鬧市不知春

色處散在荒園廢墅漸小白長紅無數客子雖非河陽
令也隨緣暫作鶯花主那可負甕中醕碧雲四合千
巖暮恨恂恂余方有事子姑歸去趁取羣芳未搖落暇
日提魚就煮歎激電光陰如許回首明年何處在問桃
花尙記劉郎否公莫笑醉中語

又和詠茶蘼

曾與瑤姬約恍相逢翠裳搖曳珠鞬聯絡風露青冥非
人世攬結玉龍驂鶴愛萬朶千條纖弱禱祝花神憐惜
取問開時晴雨須斟酌枝上雪莫消卻惱人匹似中
狂藥凭危欄燭光交映樂聲遙作身上春衫香薰透看
到參橫丹落算茉莉猶低一著坐有緱山王郎子倚玉

簫度曲難爲酢君不飲鑄成錯

又用前韻賦黃荼蘼

想赴瑤池約向東風名姬駿馬翠鞵金絡太液池邊鵲
羣下又似南樓呼鶴畫不就穠纖嬌弱羅帕封香來天
上瀉銅盤沆瀣供清酌春去也被留卻芳魂再返應
無藥似詩詠綠衣黃裏感傷而作愛惜尙嫌蜂采去何
況流鶯蹴落且放下珠簾遮著除卻江南黃九外有何
人敢與花酬酢君認取莫教錯

又再用約字

淺把宮黃約細端相普陀煙裏金身珠絡萼綠華輕羅
襪小飛下祥雲仙鶴朵朵賽蜂腰纖弱已被色香撩病

思儘鵝兒酒美無多酌
看不足怕殘卻
人間難得傷
春藥更枝頭流鶯呼起
少年狂作留取姚家花
相伴羞
與萬紅同落未肯讓蠟
梅先著樂府今無黃絹
手問斯
人清唱何人醉休草草
認題錯

又客贈芍藥

一夢揚州事畫堂深金
餅萬朵元戎高會座上
祥雲層
層起不減洛中姚魏歎
別後關山迢遞國色天
香何處
在想東風猶憶狂書記
驚歲月一彈指
數枝清曉煩
馳騎向小窗依稀重見
蕪城妖麗料得花憐儂
消瘦儂
亦憐花憔悴漫悵望竹
西歌吹老矣應無騎鶴
日但春
衫點點當時泪那更有
舊情味

又郡宴和韻

草草池亭宴又何須珠鞵絡臂琵琶遮面賓主一時詞
翰手倏忽龍蛇滿案傳寫處塵飛鶯囀但得時平魚稻
熟這腐儒不用青精飯陰霧掃霽華見使君償了豐
年願便從今也無敲扑也無廚傳試拂籠紗看壁記幾
箇標名渠觀想九牧聞風爭羨此老飽知民疾苦早歸
來載筆薰風殿詩有諷賦無勸

又再和前韻

夢斷鈞天宴怪人閒曲吹別調局翻新面不是先生瘖
啞了怕殺烏臺舊案但掩耳蟬嘶禽囀老去把茅依地
主有瓦盆盛酒荷包飯停造請免朝見少狂誤發功

名願苦貪他生前死後美官佳傳白髮歸來還自笑管
轄希夷古觀看一道冰銜堪羨如子將軍睡未已問匡
山何似金鑾殿休更待杜鵑勸

又題蒲澗寺

風露驅炎毒記仙翁飄然謫墮吹笙騎鶴歷歷漢初秦
季事山下瓜猶未熟過眼見羣雄分鹿想得拂衣遊汗
漫試回頭劉項俱蠻觸斫鯨膾脯麟肉越人好事因
成俗擁遨頭如雲士女山南山北問訊先生無恙否齊
魯干戈滿目且遊戲扶胥黃木不是世無瓜樣棗便有
來肯飽癡兒腹聊舉酒笑相屬

又王實之喜余出嶺命愛姬歌新詞以相勞輒次其韻

此腹元空洞少年時諸公過矣上天吹送老大被他禁
害殺身與浮名孰重這鼓笛休休拈弄彩筆擲還殘錦
去用江淹鮑昭事願今生來世無妖夢且飯犢莫吞鳳新來
瘖啞如翁仲羨王郎驂鸞縹緲玉簫吹動應笑夔州村
裏女灸面生愁進奉要絕代傾城安用今古何人知此
理有吾家酒德先生頌三萬卷漫充棟

又蒙恩主崇禧再用前韻

主判茅君洞有檐閒查查喜鵲曉來傳送幾度黃符披
戴了此度君恩越重僕五任祠廟一南岳二仙被賀監
天隨調弄做取散人千百歲笑渠儂一霎邯鄲夢歌而
過鳳兮鳳灌園織屨希陳仲問先生加齊卿相可無

心動除卻醴泉中太乙揀箇名山自奉那捷徑輸他藏
用有耳不曾聞黜陟免教人貶駁徂徠頌服蘭佩結茅
棟

又三和

謫下神清洞更遭他挪揄黠鬼路旁遮送薄命書生雞
肋爾卻笑尊拳忒重破故紙誰教繙弄一枕茅檐春睡
美便周公大聖何須夢門前客任題鳳卜鄰羊仲并
求仲願春來西疇雨足土膏犁動白髮巡官占歲稔不
問京房翼奉棹與甕從今無用醉與老農同擊壤莫隨
人投獻嘉禾頌在陋巷勝華棟

又席上聞歌有感

妾出於微賤小年時朱絃彈絕玉笙吹徧粗識國風關
雎亂羞學流鶯百轉總不涉閨情春怨誰向西鄰公子
說要珠鞍迎入梨花院身未動意先嬾 主家十二樓
連苑那人人靚妝按曲繡簾初卷道是華堂簫管唱笑
殺雞坊拍袞回首望侯門天遠我有平生離鸞操頗哀
而不愠微而婉聊一奏更三歎

又生日用實之來韻

鬢雪今千縷更休休癡心默望故人明主晚學瞿聃無
所得不解飛昇滅度似曉鼓鼙鼙拋五散盡朝來湯餅
客且烹雞要飯茅容母怕回首太行路 麟臺學士微
雲句便樽前周郎復出審音無誤安得春鶯雪兒輩輕

拍紅牙按舞也莫笑儂家蠻語老去山歌尤協律又何
須手筆如燕許援琴操促箏柱

又再用前韻

放逐身藍縷被門前羣鷗戲狎見推盟主若把士師三
黜比老子多他兩度袖手看名場呼五不會車邊望塵
拜免他年青史羞潘母句曲洞是歸路 平生怕道蕭
蕭句况新來冠敝弁側醉人多誤管甚是非并禮法頓
足低昂起舞任百鳥喧啾春語欲託朱絃寫悲壯這琴
心脈脈誰堪許君按拍我調柱

又實之三和有憂邊之語走筆答之

國脈微如縷問長纓何時入手縛將戎主未必人間無

好漢誰與寬些尺度試看取當年韓五豈有穀城公付
授也不干曾遇驪山母談笑起兩河路少時棋枰曾
聯句歎而今登樓攬鏡事機頻誤聞說北風吹面急邊
上衝梯屢舞君莫道投鞭虛語自古一賢能制難有金
湯便可無張許快投筆莫題柱

又四用縷字韻爲王實之壽

萬字如鍼縷憶王郎丹墀大對氣爲文主貴近旁觀俱
失色仰止如天聖度笑杜牧成名居五晚面清光猶苦
諫似封人懇切言君母謫塵世錯行路當時宜和薰
風句又那知青雲一跌被才名誤輸與靈和殿前柳柔
輒隨風學舞怪兩鳥新來停語不是先生高索價問何

時宰相先生許舉杯祝莫傾柱

又實之用前韻爲老者壽戲答

身畔無絲縷但從前練裳練悅做他家主甲子一周加

二紀兔走烏飛幾度賽孔子如來三五徐陵云小如來五歲多孔子三

年鶴髮蕭蕭無可截要一杯留客慚陶母門外草欲迷

路朗吟白雪陽春句待夫君驪駒不至鵲聲還誤老

去聊攀萊子例倒著斑衣戲舞記田舍火鑪頭語肘後

黃金腰下印有高堂未敢將身許且扇枕莫倚柱

又張倅生日

輦路東風裏試回頭金闈昨夢侵尋三紀歲晚巋然靈

光殿僕與君侯而已漫過眼幾番桃李珠履金釵常滿

座問誰人得似張公子馳驥驟佩龜紫
宿雲收盡檐聲止玳筵開高臺風月後堂羅綺恰近洛人修禊節莫
惜飛觴臨水怕則怕追鋒徵起此老一生江海客願風
雲際會從今始寧鬱鬱久居此

又九日與二弟二客郊行

老去光陰駛向西風疏林變纈殘霞成綺尙喜暮年腰
腳健不礙登山臨水算自古英遊能幾客與桓公俱臭
腐獨流傳吹帽狂生爾後來者亦猶此 籃輿伊軋柴
桑里問黃花沒些消息空籬而已賴有一般芙蓉月偏
照先生懷裏且覓箇欄干同倚檢點樽前誰見在憶平
生共插茱萸底歡未足飲姑止

末章追懷無
競處和二弟

又已未九日同季弟子姪飲倉部弟免菴良翁宮教來
會

憶昔俱年少向斯晨登高懷古賦詩舒嘯追數樽前插
花客人物並皆佳妙禁幾度西風殘照元子寄奴曾富
貴到而今一一消磨了君不樂後人笑 山南山北添
華表歎歸來謝池草合黃臺瓜少老去愛持齊物論誰
管彭殤壽夭待細說教天知道不羨兩蘇并二宋願弟
兄歲歲同吹帽杯到手莫辭醕

又居厚良翁皆和余亦繼作

何必遊嵩少屋邊山松風浩蕩虎龍吟嘯舊效楚人悲
秋作晚愛陶詩高妙髮如此臨流羞照屈指向來夸毗

子被西風一筆都勾了曾不滿達人笑
當年玉振於江表悵而今老身空在歡娛
全少假使真如彭祖壽蒙叟猶嗤渠天
偶落筆不經人道歲晚連牀談至曉勝
岡頭出沒看烏帽君舉白我頻醕

又

人老難重少強追陪李侯痛飲劉郎清嘯

輿兄也
琨弟也報答

秋光無一字虛說君房語妙且匣起青銅
休照賴有多情籬下菊待西風不肯先開
了留晚節發孤笑孔璋客紹衡依表有誰
憐戴花翁病插萸人少生不逢場閒則劇
年似龔生循天喫緊處無人曾道到得扶
他迂叟出算貂蟬未抵深衣帽街酒賤更
沽醕

又四用韻

猶記臣之少興狂時過陳遵飲對孫登嘯歲晚登臨多
感慨但覺齊山詩妙任蓉月柳風吹照金印不來丹飛
去擬神仙富貴都差了空鑄錯與人笑 九年前拜懸
車表試回看柴桑菊老立都花少周也曾言殤子壽佛
以白頭爲天心白白頭亦爲天生末後句巖頭曾道頭似
禿驚巾裏嬾最不宜蟬冕宜僧帽杯中物直須酌

又五用韻讀坡公和陶詩其九篇爲重九作乃敘坡事
而賦之

行樂尤宜少憶坡公洞簫聽罷劃然長嘯四海共知霜
鬢滿莫問近來何妙也不記金蓮曾照老沒太官儻酒

分把茱萸便準登高了齊得喪等嘻笑 集無韓子潮

州表數當時南遷者眾北歸人少赤壁玉堂均一夢此

豈蠻煙能天與同叔俱嘗知道誰向進賢冠底說畫出

來不似眉山帽秋菊瓊獻公醕

又六用韻敘謫仙為宮教兄壽

鵬賦年猶少初為大鵬遇希有鳥賦後悔少作改為大鵬賦晚飄蓬夜郎秋浦

漁歌猿嘯猿嘯風中斷漁歌月下聞見太白詩駿馬名姬俱散去參透南

華微妙斂萬丈光芒迴照如子將軍曠箇甚老先生拂

袖金闈了供玉齒粲然笑 解驂賴有汾陽老歎今人

布衣交薄綈袍情少黃祖斗筲何足算鸚鵡才高命天

與賀監其歸同道脫下錦袍與馱底謫仙人白苧烏紗

帽題太白像烏紗
之巾白苧袍

邀素月入杯醕

又傅相生日壬戌

低局從頭錯解危機除非喚取國棋來著不信胡兒能
膽大南岸安他陣腳談笑裏烏巢空幕西起岷峨東海
岱有捷旗露布無宵柝莘渭後到秋壑淮田犁徧吳
田穫問臺家山河宇宙是誰擎託自覺懷中殘錦盡采
色彰施技薄視柳雅韓碑瞠若稽首魯公黃髮頌世何
人堪繼奚斯作楚狂語莫刪卻

又癸亥九日

宿雨輕飄灑少年時追歡記節同人于野老去登臨無
腳力徒倚屋東籬榭但極目海山如畫千古惟傳吹帽

漢大將軍野馬塵埃也須彩筆爲陶寫
鶴歸舊里空
悲咤歎原頭纍纍高冢洛英凋謝留得香山病居士卻
入漁翁保社悵誰伴先生情話樽有蒲萄簪有菊西涼
州不似東籬下休喚醒利名者

又

拂袖歸來也嬾追陪竹林嵇阮蘭亭王謝誰與此翁相
暖熱賴有平生伯雅且放意高吟閒話山鳥山花皆上
客又何須勝似公榮者胸磊塊總澆下
盤龍癡絕求
鵝炙這先生黃齏甕熟味珍無價酒頌一篇差耍妙莊
列諸書土苴任禮法中人嘲罵君特未知其趣耳若還
知火急來投社共秉燭惜今夜

又甲子端午

過眼光陰駛憶垂髫留連節物逢場遊戲初試練衣弄
紈扇鬪采菖蒲澗裏今髮白顏蒼如此艾子蕭郎方用
事怪先生苦死紉蘭芷君不樂欲何俟 頭標奪得羣
兒喜向溪邊旁觀助譟歎吾衰矣欲建鼓旗無氣力喚
起龍泉改委水心評余詩有建大將
旗鼓非子孰當之語但酒戶加封而已
去秋禋霈余添加三百戶晚覺醉鄉差快活那獨醒公子真歎底聊
洗淨笛箏耳

又二鶴

家有仙禽二早追隨先生杖屨互鄉童子旦旦池邊三
薰沐夜夜山中警睡且伴我人閒遊戲此老生平哀大

陸到末梢始憶華亭唳評往事敗佳思
古云鶴算誰能紀歎歸來山川如故人民非是但願主君高飛去莫
愛乘軒祿位更賽過令威千歲假使焦山眞羽化待華
陽貞逸銘方瘞我拍手渠展翅

洞仙歌癸亥生朝和居厚弟韻題謫仙像

上林全樹曾借君棲宿朝過瑤臺暮羣玉忽翩然脫下
宮錦袍來□□□卻向齊州受籙等閒揮醉筆欬唾
千篇長與詩家竊膏馥身是酒星文星剛被詩人□喚
做禁中頗牧便散髮騎鯨去何妨從我者誰歎安期徐

福

又和居厚弟韻

眇難攬鏡跛尤難穿履賴有胡公菊潭水信醫言斷了
重碧輕紅禁害殺不遣高吟大醉 古來稀七十添許
多年贏得牋天致君事莫問客去門前金盡牀頭留寶
扇御詩珍祕疇昔慕乖崖老尙書到晚節依稀有些兒
似

後村長短句卷五

莆田 劉克莊 潛夫

八聲甘州 鴈

物微生處遠往還來非但稻梁求似愛長安日怕陰山
雪善自爲謀箇裏幸無鳴鏑隨意占沙洲歸興何妨待
風景和柔 昔到衡陽回去今隨陽避地徧海南頭與
西川流寓彼此各淹留未得雲中消息登望鄉臺了又
登樓江天闊幾行草字字字含愁

燭影搖紅 用林卿韻

拙者平生不曾乞得天孫巧那回忝扈屬車來豈是齊
卿小此膝不曾屈了更休文腰難運掉前賢樣子表聖

宜休申公告老 涼簟安眠絕勝瀑直鈴聲攪集中大
半是詩詞幸沒潮州表月夕花朝詠嘯歎人閒愁多樂
少蓬萊有路辦箇船兒逆風也到

祝英臺近

雨淒迷風料峭情緒被花惱白白紅紅滿地無人掃可
堪解佩盟寒墜樓命薄更杜宇枝頭閒燭 綠陰繞青
帝結束恁恁轉眼朱明了怕與春辭茗芋玉山倒後期
覺做明年春年年好卻不道明年人老

最高樓

戊戌自壽

南嶽後累任作祠官試說與君看仙都玉局纔交卸新
銜又管華州山怪先生吟膽壯飲腸寬 去歲擁旌旗

稱太守今歲帶笈簪稱漫叟慵入鬧慣投閒有時拂袖
尋種放有時攜枕就陳搏任旁人嘲潦倒笑癡頑

又再題周登樂府

周郎後直數到清真君莫是前身八音相應諧韶樂一
聲未了落梁塵笑而今輕郢客重巴人 只少箇綠珠
橫玉笛更少箇雪兒彈錦瑟欺賀晏壓黃秦可憐樵唱
并菱曲不逢御手與龍巾且醉眠篷底月甕閒春

又乙卯生日

吾衰矣百事且隨緣隻字不牋天幾曾三宿爲歸計更
巴一歲是希年記兒時聞祖父說隆乾 我不與少年
爭遇合你莫共老僧爭戒臘靴皴面悅垂肩錦袍奪去

饒之問虎皮撒起付伊川賸空身無長物可飛仙

又

吾衰矣不慕勒燕然不愛畫凌煙此生慚愧支離叟何
功消受水衡錢錯教人占卦氣算流年漫摘取野花
簪一朶更揀取小詞填一箇晞素髮暖丹田羅浮杖勝
如旌節華陽巾不減貂蟬這先生非散聖卽臞仙

又

辛亥後六請挂衣冠甲子始休官白駒恰則來空谷青
牛早已出函關笑狂生還笏易上竿難也莫愛宮中
請內相也莫愛堂中呼六丈但禱祝要癡頑嬾揮玉斧
重修月不扶鐵拐會登山兔飛昇長快活戲人間

又

臣少也豪舉泛星槎飄逸吐天葩穆陵誤獎推儒宿龍
泉曾喚做行家今耄矣文跌宕字麻茶 同隊者多爲
公與相廣坐裏都無兄與丈生有限望猶奢補還瞎子
重開卷放教跛子出看花地行仙疑是汝不爭些

又林中書生日

金閨彥荷蕢過山前把釣坐溪邊呼來每得天顏笑放
歸猶作地行仙儘教人瞋避俗謗逃禪 且緘了淳夫
三昧口更袖了坡公三制手寧殿後不爭先小於衛武
二十歲大於絳老兩三年這高名并上壽幾人全

風入松福清道中作

橐泉夢斷夜初長
別館淒涼細思二十年前事
歎人琴已矣俱亾
改盡潘郎鬢髮
消殘荀令衣香
多年布被冷如霜
到處同牀
簫聲一去無消息
但回首天海茫茫
舊日風煙草樹而今總斷人腸

又前

歸鞍尙欲小徘徊
逆境難排人言酒是消憂物
柰病餘孤負金鬢
蕭瑟擣衣時候淒涼
鼓缶情懷遠林搖落
晚風哀野店猶開
多情惟是燈前影
伴此翁同去同來
逆旅主人相問
今回老似前回

又癸卯至石塘追和十五年前韻

殘更難睡抵年長
曉月淒涼芙蓉院落
深深閉歎芳卿

今在今亾絕筆無求凰曲癡心有返魂香
起來休鐸鬢邊霜半被堆牀定歸兜率蓬萊去奈人閒無路茫茫
緣斷漫三彈指憂來欲九回腸

又

攀翻宰樹暫徘徊草草安排昔人徒步陳雞絮愧公家
僕馬觥罍華表舊愁滿目黃梁殘夢傷懷欲將莊列
等歡哀對卷慵開憑高指點虛無路問何年遼鶴歸來
宿酒得風漸解小輿待月同回

臨江仙己酉和實之燈夕

玉笛鈿車當日事東塗西抹都曾等閒曲子壓和疑
相公縱遊非草草已醉強惺惺今向三家村送老身如

罷講吳僧高樓百尺不須登半鑪燒葉火一瓊勘書燈
又縣圃種花

落魄長官江海客少豪萬里尋春而今憔悴向溪濱斷
無觴詠興惟有簿書塵手插海棠三百本等閒妝點
芳辰他年絳雪映紅雲丁寗風與月記取種花人

又庚子重陽余以漕攝帥會前帥唐伯玉前漕黃成父
於越王臺明年是日寓海豐縣驛作

去歲越王臺上飲席閒二客如龍憑高弔古壯懷同馬
嘶千嶂暮樂奏半天中今歲三家村市裏故人各自
西東菊花時節酒樽空可憐雙雪鬢禁得幾秋風

又潮惠道中

不見仙湖能幾日塵沙變盡形容夜來月冷露華濃都
忘茅屋下但記畫船中兩岸綠陰猶未合更須補竹
添松最憐幾樹木芙蓉手栽纔數尺別後爲誰紅

浪淘沙丁未生日

去歲詣公車天語勤渠絳紗玉斧照寒儒恰似昔人曾
夢到帝所清都骨相太清臞謫墮須臾今年黃敕換
稱呼只爲此翁霜鬢禿老不中書

又

早歲類寒蛩晚節遭逢曾開黃卷侍重瞳歸去青藜光
照牖階藥翻紅出書頗恩恩主眷猶濃除官全似紫
陽翁

寶文

漳州換箇新銜頭面改又似包公

辭郡得
小龍

又
紙帳素屏遮全似僧家無端霜月闖窗紗喚起玉關征
戍夢幾疊寒笳 歲晚客天涯短髮蒼華今年衰似去
年些詩酒新來俱倚閣孤負梅花

又
疊嶂碧周遮遊子思家掩藏白髮賴烏紗落日倚樓千
萬恨社鼓城笳 老去淡生涯虛擲年華臘茶孟子太
清些待得癡兒公事畢謝了梅花

又素馨

目力已茫茫縫菊爲囊論衡何必帳中藏卻愛素馨清
鼻觀采伴禪牀 風露送新涼山麝開房旋吹銀燭閉

華堂無柰紗廚遮不住一地聞香

鳳凰閣

元規端委得似幼輿北壑人言此輩宜高閣幾載種天
隨菊采龐公藥龍尾道難安汗腳浮榮菌蕘選甚庶
官從橐對牀句子真佳作安用羨伊結駟歎儂羅雀呼
便了沽來共酌

法駕導引

樵柯爛丹竈熟一跳出紅塵斗紫一雙龍奮蟄帝青丸
萬里爲程赤腳踏層雲鞭鸞上騎麟下彷彿覩崑崙
灑馬鬣泉蘇赤地翻蟾滴水漲滄溟笑殺懵仙人

一翦梅

袁州解印

陌上行人怪府公還是詩窮還是文窮下車上馬太恩
恩來是春風去是秋風階銜免得帶兵農嬉到昏鐘
睡到齋鐘不消提嶽與知宮喚作山翁喚作溪翁
又余赴廣東實之夜餞於風亭

束縕宵行十里強挑得詩囊拋了衣囊天寒路滑馬蹄
僵元是王郎來送劉郎酒酣耳熱說文章驚倒鄰牆
推倒胡牀旁觀拍手笑疏狂又何妨狂又何妨

踏莎行甲午重九牛山作

日月跳丸光陰脫兔登臨不用深懷古向來吹帽插花
人盡隨殘照西風去老矣征衫飄然客路炊煙三兩
人家住欲攜斗酒答秋光山深無覓黃花處

又巧夕

驅鵲營橋呼蟾出海朝朝暮暮遙相望誰知風雨此時
來銀河便有些波浪玉兔迷離金雞嘲哢二星無語
空惆悵元來上界也多魔天孫長怨牽牛曠

玉樓春

戲林推

年年躍馬長安市客舍似家家似寄青錢換酒日無何
紅燭呼盧宵不寐易挑錦婦機中字難得玉人心下
事男兒西北有神州莫滴水西橋畔泪

鵲橋仙

戊戌生朝

金風淅淅銀河淡淡長少羣賢畢會平生心事麴生知
怪此夕惺惺相對立花生眼新霜點鬢不肯遮藏老

態人閒何處有仙方擘劃得二三百歲

又桃巷弟生日

御屏錄了冰銜換了酷似香山居士草堂丹竈莫留他
且領取忠州刺史移來芳樹摘來珍果壓盡來禽青
李三千年一薦金盤又不是玄都栽底

又答桃巷弟和篇

閣中芸冷觀中桃謝誰問貞元朝士吾宗一句好書紳
但記取毋汙青史知幾告張說語不交平勃不遊田竇也不
朋他牛李平章此去似何人似洛社戴花舞底

又林侍郎生日

出通明殿入耆英社誰似侍郎洪福掌中元自有三珠

更檢校諸孫夜讀
管他萊相管他鶴相留我本來面目
希夷一枕未曾醒笑人世幾回翻局

又居厚弟生日

俱登瀛館俱還洛社各自健如黃犢不消外監與留臺
也不要嵩山崇福我如原父君如貢父且把漢書重
讀韓公當局等閒過又看到溫公當局

又鄉守趙丞相生日

去年無麥今年多稼盡是君侯心地向來寺寺總拘樁
今有不拘樁底寺省倉展日米場鐫價萬落千村蒙
惠更將補納放寬些便是箇西京循吏

又庚申生日

香芸辟蠹青藜燭閣天上寶書萬軸前回讀得未精詳
更罰走一遭重讀松風如故丹鑪如故坐閱人閒陵
谷回頭調戲竊桃兒且寧耐等他桃熟

又足痛

有時塊坐有時扶起門外草深三尺山禽肯喚我爲哥
句句道哥行不得此兒害跛羣兒拍手次第加公九
錫不消長塵短轅車但乞取一枝鶴膝

又生日和居厚弟

女孫笄珥男孫袍笏少長今朝咸集且留晚節伴寒香
莫要似春華性急大招吟了巫咸下了未愛修門重
入我儂不做佛漳閩免大雪庭中歎立

又林卿生日

一封奏御九重知，已不假吹噓送上從。
今穩穩到蓬萊，三萬里沒些風浪。
臣年雖老，臣卿尙少，一片丹心葵
向何須遠比馬賓王。且做取本朝种放。

又居厚生日

我如龔勝君如龔舍，拂袖同歸鄉里。
共騎竹馬，有誰存總喚入耆英社裏。
蒼華髮神尙黑，黃婆脾神方旺，爭問翁
年今幾一門兩箇老人星。直看見孫兒生子。

又鄉守趙計院生日

蒲鞭漸弛，鈛箠漸少，安用知他簾外。
從今也莫察淵魚，做到不忍欺田地。
四民香火五營笳吹來獻一杯壽。

水大家贊祝太夫人長伴取魯侯燕喜

柳梢青賀方聽蛙八十

申白苟留綺園浪出老不知羞輸與先生一枝鶴膝一
領羊裘 便教賜履營北爭似把漁竿到頭冷落磻溪
張皇牧野著甚來由

鷓鴣天腹疾困睡和朱希真詞

前度看花白髮郎平生痼疾是清狂幸然無事汗青史
省得教人奏赤章 遊俠窟少年場輸他羣謝與諸王
居人不識庚桑楚弟子誰從魏伯陽

又戲題周登樂府

詩變齊梁體已燒香匳新製出唐朝紛紛競奏桑間曲

寂寂誰知爨下焦
揮彩筆展紅綃十分峭措稱妖嬈
可憐才子如公瑾未有佳人敵小喬

卜算子惜海棠

盡是手成持合得天饒借風雨於花有底讎著意相陵藉
做暖逼教開做冷催教謝不負明年花下人只負
栽花者

又

片片蝶衣輕點點猩紅小道是天公不惜花百種千般
巧朝見樹頭繁暮見枝頭少道是天公果惜花雨洗
風吹了

又

亂似盜中絲密似風中絮行徧茫茫禹迹來底是無愁
處 好客挽難留俗事推難去惟有翻身入醉鄉愁欲
來無路

又良翁禮部生日

開閣廣延賢負展勤求舊應念南宮老舍人閒袖絲綸
手 兩制必當仁五福無過壽且喜新年不要口天要
開元祐

又曹守生朝十二月初六日

東叻寧馨兒南國循良守先把鑪熏祝帝堯次祝君侯
壽 廣致米商船多釀兵廚酒客有鬚眉似蓋延許至
華堂否

又燕

已怪社愆期尙喜巢如故過了清明未肯來莫被春寒
誤常傍畫檐飛忽委空梁去忘卻王家與謝家別有
銜泥處

又茉莉

老圃獻花來異域移根至相對炎官火繖中便有清涼
意淡薄古梳妝嫺雅仙標致欲起涪翁再品花壓了

山礬弟

朝天子

宿雨頻飄灑歡喜西疇耕者終朝連夜有珠璣鳴瓦
漸白水青秧鷗鷺下老學種花兼學稼心兩挂這幾樹

海棠休也

清平樂 五月十五夜玩月

纖雲掃迹萬頃玻璃色醉跨玉龍遊八極歷歷天青海
碧 水晶宮殿飄香羣仙方按霓裳消得幾多風露變
教人世清涼

又

風高浪快萬里騎蟾背曾識姮娥真體態素面元無粉
黛 身遊銀闕珠宮俯看積氣濛濛醉裏偶搖桂樹人
閒喚作涼風

又贈陳參議師文侍兒

宮腰束素只怕能輕舉好築避風臺護取莫遣驚鴻飛

去一團香玉溫柔笑顰俱有風流貪與蕭郎眉語不
知舞錯伊州

又丹陽舟中作

休彈別鶴泪與絃俱落歡事中年如水薄懷抱那堪作
惡昨宵月露高樓今朝煙雨孤舟除是無身方了有
身長有閒愁

又居厚弟生日

冰輪萬里雲卷天如洗先向海山生大士卻誕卯金之
子冰盆荔子堪嘗膽餅茉莉尤香震旦人人炎熱補
陀夜夜清涼

又居厚弟生日

人間喘汗無計翻銀漢有箇至人來震旦宴坐補陀巖
畔吾聞福壽難量待看海底生桑乞取淨餅一滴普
教大地清涼

好事近

壬戌生日和居厚弟

老不計生朝慚愧阿連書尺雪鬢霜髭不管管眼腰黃
赤待將心事自牋天莫費子公力乞賜先生處士換
一張黃敕

菩薩蠻

戲林推

小鬟解事高燒燭羣花圍繞擣蒲局道是五陵兒風騷
滿肚皮玉鞭鞭玉馬戲走章臺下笑殺灞橋翁騎驢
風雪中

憶秦娥暮春

遊人絕綠陰滿野芳菲歇芳菲歇養蠶天氣采茶時節
枝頭杜宇啼成血陌頭楊柳吹成雪吹成雪淡煙微
雨江南三月

又上巳

修禊節晉人風味終然別終然別當時賓主至今清絕
等閒寫就蘭亭帖豈知留與人閒說人閒說永和之
歲暮春之月

又

泥滑滑一聲聲喚征鞍發征鞍發客亭楊柳不禁攀折
荀郎衣上香初歇蕭郎心下書難說書難說霎時吹

散一生愁絕

又

春醒薄夢中
毬馬豪如昨
豪如昨日明
橫笛曉寒吹
角古來成敗
難描摸而今
卻悔當時錯
當時錯鐵衣
猶在不堪重
著

又

梅謝了塞垣
凍解鴻歸早
鴻歸早憑伊
問訊大梁遺
老浙河西面
邊聲悄淮河北
去炊煙少炊煙
少宣和宮殿
冷煙衰草

西江月腰痛舊傳陳復齋名方歲久失之

思邈方書去失休文老病來攻新年筋力太龍鍾腰似

鐵貓兒重 雅拜怎生搢笏徐行也要扶筇田翁邀飲
不能從難伴諸公上雍

朝中措元質侍郎生日

恰爲仙佛做生辰公又紱麒麟黑白幾枰屢變丹青百
奏如新 都門餞底洛中畫底莫是前身雖老不扶靈
壽有時更上蒲輪

又艮翁生日

受持鼻祖五千言留得谷神存伴我賦詩茅屋饒渠待
詔金門 此翁歲晚有書充棟有酒盈樽君看多花早
落孰如仙李蟠根

又艮翁生日

仙風道骨北山翁萬卷著胸中
渙若宦情冰釋作口醉
面桃紅 干林凍槁一枝雪
豔消息先通顏色口青精
飯姓名在碧紗籠

又陳左藏生日

海天萬頃碧琉璃風露洗炎曦
鸚鵡綠毛導從蟾口雪
色追隨 分明來處補陀大士
先後同時覓取善財童
子膝邊要箇孫兒

後村長短句校記

卷一

哨徧

題宋本坡翁翁作公張月霄本 本稟括入律作該括入作

六州歌頭

羣花

珠髻

休回首

子晉本花作芳髻作瑤砌休作

空

水調歌頭

使效

題

宋本儀真下有郡字歌頭二字云字並無

又遺

拓落

張本作落拓

又日落

佳夕

原鈔夕作席从宋本

又怪事

只在

原鈔在作安从宋本

孤另

原鈔另作冷从毛本

沁園春

處何

題

宋本孚若

千兩

趙北

畫鼓

輕喚

披衣

毛本兩作乘趙作代畫鼓鼻息輕作催披作推

後

又歲暮緣雲向中年歎名姬都成誰弔有

命毛本緣作侵向作到歎作悵灑張本作淚張本作

又我羨細為爭知道山重毛本為作與爭

又卷一皆堪鬢改毛本堪作

又我夢題毛本寄戴飛帶原鈔戴作詩酒風濤肯

學事楚騷毛本詩酒作風月風掀髯原鈔髯作

毛本嘯鼓舞毛本鼓悲皦張本悲誰摸索毛本道是毛本

誰作暗
道作不

漢宮春牆舞袖披披張本作廣

又謝病雞鳴原鈔雞作

卷二

念奴嬌 如此 題 原鈔生日作

又 君卯 斯人 原鈔人作

又 中夢 同蒲柳 原鈔同作

又 朝四 雖禿 張木禿

摸魚兒 怪新 傷心處 滄洲 渾閒物 毛本處作色滄洲作扁舟渾作

都

又 甚春 萬姝 原鈔姝作株 霜點鬢 毛本作 年年不帶 毛本

作不成 青苔 做得 毛本青作

長相思 風蕭 題 原鈔別上無

卷三

滿江紅 金甲 題 原鈔無

後交

二

又老子題宋本廿作二十

又赤日題原鈔無范尉

又往日顏色原鈔顏作

又十八秋宵張本竹

又破著聊拋廢宋本聊

又與說橫笛張本橫

又奎墨西來原鈔來作落筆張本筆

又江左汎掃張本汎

水龍吟先淡詞原鈔二字

又祁公虹玉張本虹

又行藏徐甲原鈔甲字闕

卷四

賀新郎北望

題宋本倉部知真州

怎生

太行山

駕馭

想投戈

兩河

誰夢

算事業

應笑

毛本怎生作向誰山

作兵馭作御想作看河作淮誰作不算作這應作堪

又

魏冠原鈔冠作

又

一句張本句作語

又

題宋本君九月十八日

菊花

毛本芙蓉

壺山

原鈔壺作湖从

毛本

又

誇結束

新樣

毛本誇作新新作時

又

亂愁

少年

而今

毛本愁作山年作時而作如

又

滁陽

毛本文章

喚取

張本取作起

歌舞

散

毛本散作罷

又動地 蒼苔徑 毛本徑 不似 張本似

又溪上 題 元鈔無

又曾與 問開時 毛本問

又把淺 呼起 宋本呼 黃絹 原鈔絹作

又夢一 別後 原鈔後作 妖麗 毛本妖

又下謫 門前 張本前

又妾出 題 毛本作郡會 國風 華堂 雞坊 毛本國風

作畫雞

又國脈 何年 毛本年

又何必 舊效 歡娛 原鈔效作游娛

卷五

最高樓周郎

題原鈔題首無再字从宋本

風入松泉

年前宋本前

又攀

遼鶴

原鈔遼作逝从宋本

臨江仙玉

題原鈔已酉作戊申从宋本

又不見

猶未合

原鈔猶作從从宋本

浪淘沙早

階藥原鈔藥作葉从宋本

又紙帳

俱倚閣

毛本作都減價

一翦梅陌

題毛本作中秋郡邛

帶兵農毛本帶

註按龍下缺學字

踏莎行日

題原鈔脫从宋本

玉樓春年

題宋本作戲呈林節推鄉兄

鵲橋仙閣

一句張本句作語

卜算子

是盡

題

毛本作手植海棠盛開
風雨作崇輒作小詞

底讎

著意

毛本

底作甚
著作作

又

月

是天公

毛本作人

道

同

雨

洗

毛本

洗

作打

作打

作打

作打

清平樂

纖雲

方按

張本按

作奏

作奏

作奏

作奏

作奏

作奏

作奏

作奏

作奏

作奏

作奏

作奏

作奏

又

宮腰

題

毛本題作頃在維揚陳師

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

文參議家舞姬絕妙賦此

後村先生

長短句

汲古閣刊本

為別調

一卷

今通行

者

也

林秀發

編後村居士集

五十卷

詩餘為二卷

曾

見殘宋本

鮑淥飲得明鈔

後村詞以為勝於毛刻

未

獲寓目

繆小珊前輩藏鈔本

後村先生

長短句

汲古閣刊本

為別調

一卷

今通行

者

也

林秀發

編後村居士集

五十卷

詩餘為二卷

曾

見殘宋本

鮑淥飲得明鈔

後村詞以為勝於毛刻

未

獲寓目

繆小珊前輩藏鈔本

後村先生

長短句

汲古閣刊本

為別調

一卷

今通行

者

也

林秀發

編後村居士集

五十卷

詩餘為二卷

曾

見殘宋本

鮑淥飲得明鈔

後村詞以為勝於毛刻

未

獲寓目

繆小珊前輩藏鈔本

後村先生

長短句

汲古閣刊本

為別調

一卷

今通行

者

也

林秀發

編後村居士集

五十卷

詩餘為二卷

曾

見殘宋本

鮑淥飲得明鈔

後村詞以為勝於毛刻

未

獲寓目

繆小珊前輩藏鈔本

後村先生

長短句

汲古閣刊本

為別調

一卷

今通行

者

也

林秀發

編後村居士集

五十卷

詩餘為二卷

曾

見殘宋本

鮑淥飲得明鈔

後村詞以為勝於毛刻

未

獲寓目

繆小珊前輩藏鈔本

後村先生

長短句

汲古閣刊本

為別調

一卷

今通行

者

也

林秀發

編後村居士集

五十卷

詩餘為二卷

曾

見殘宋本

鮑淥飲得明鈔

後村詞以為勝於毛刻

未

獲寓目

繆小珊前輩藏鈔本

長短句

五卷

視林本幾倍之

僅水調歌頭君看郭西

景一闕未之編入吾郡陸氏百宋樓舊有此本今流入東瀛天一祖本亦久亡佚惟藝風祕笈孤度人閒矣亟謀錄副授梓人以中有闕文尙俟斟補適老友吳伯宛以劉燕庭藏鈔大本長短句寄示視張本爲完善閒有譌脫卽援張本參校寫定兼取殘宋本汲古本及陽春白雪改補若干條舉其異同之足備參考者疏記如右刊旣成又見夏悔生同年藏後村集殘鈔本爲卷六十與諸本又別詞僅存目編次同大本卷末西江月後有朝中措四闕張劉二本竝闕惜乎無從采獲海內同志或發匳藏俾成完帙跂予望之已壬子九日疆村遺民朱孝臧跋

癸丑秋仲吾郡張石民得舊鈔後村集六十卷本於
滬上小珊前輩錄張劉二本所闕西江月結拍二句
朝中措四闕見示遂補刻之孝臧又記

東坡全集六十卷本又限隨勒命曰麟穴同

卷首皆益讀收存既類又良真非中同早難對同

與古本及對存自世為無許于對舉其異同之甚

然亦善四許世無唱對集本卷刻錄家雅知數宋本

與許求以隱然氣賦姓大全本其幾何齊示脈相本

突道贈給暗對對入因中尚關文尚對相前數名文

大東臨天一賦本衣入自為對藝風漸數為史入問

舞一闕宋之編入書紙對九韻宋賦書前抗火命